

四庫全書

史部

欽定四庫全書

史部  
史記卷二十七

詳校官侍讀學士臣陸伯焜

洗馬臣王坦修覆勘

覆校官中書臣陳林

校對官中書臣孫希旦

謄錄監生臣劉璿

欽定四庫全書

史記卷二十七

漢太史

令司馬遷撰

宋中郎外兵曹參軍裴駙集解

唐國子博士弘文館學士司馬貞索隱

唐諸王侍讀率府長史張守節正義

天官書第五

索隱蒙天故有五管官者星官也星座有尊卑若人之官曹列位故曰天官正義張衡云文曜

麗乎天其動者有七日月五星是也日者陽精  
 之宗月者陰精之宗五星五行之精眾星列布  
 體生於地精成於天列居錯峙各有所屬在野  
 象物在朝象官在人象事其以神著有五列焉  
 是有三十五名一居中央謂之北斗四布於方  
 各七為二十八舍日月運行歷示吉凶五緯躔  
 次用告  
 禍福

中宮天極星

索隱姚氏案春秋元命包云宮之為言宣  
 也宣氣立精為神垣又文耀鉤曰中宮大

帝其精北極星含元出氣流精生一也爾雅云北極謂  
 之北辰又春秋合誠圖云北辰其星五在紫微中楊泉  
 物理論云北極天之中陽氣之北極也極南為太陽極  
 北為太陰日月五星行太陰則無光行太陽則能照故  
 為昏明寒暑  
 其一明者太一常居也  
 索隱案春秋合誠  
 圖云紫微大帝室  
 之限極也



太一之精也正義泰一天帝之別名也  
劉伯莊云泰一天神之最尊貴者也

旁三星三公或

日子屬

正義三公三星在北斗杓東又三公三星在北  
斗魁西並為太尉司徒司空之象主變出陰陽

佐機務占以徒為不吉居常  
則安金火守之並為咎也

後句四星末大星正妃餘

三星後宮之屬也

索隱句音鈞句曲也援神契云辰極  
橫后妃四星從大妃光明又按星經

以後句四星名為四輔其句陳六  
星為六宮亦主六軍與此不同也

環之匡衛十二星藩

臣皆曰紫宮

索隱元命包曰紫之言此也宮之言中也  
言天神運動陰陽開閉皆在此中也宋均

又以為十二宮中外位  
各定總謂之紫宮也

前列直斗口三星隋北端兌若

見若不曰陰德

索隱劉氏直音如字直當也又音值隋  
音他果反北一作比案漢書天文志北

作比端作嵩兌作銳銳謂星形尖邪也文耀鉤曰陰德為天下綱宋均以為陰行德者道常也正義星經云陰德二星在紫微宮內尚書西主施德惠者故贊陰德遺惠周急賑撫占以不明為宜明新君踐極也又云陰德星中宮女主之象星動搖或曰天一正義天一星疆釁起宮掖貴嬪內妾惡之閭闔外天帝之神主戰關知人吉凶明而有光則陰陽和萬物成人主吉不然反是太一一星次天一南亦天帝之神主使十六神知風雨水旱兵革饑饉疾疫占以不明及移為災也星經云天一太一二星主王者即位令諸立赤子而傳國位者星不欲微微則廢立紫宮左三星曰天棓右三不當其次宗廟不享食也

星曰天棓

集解蘇林曰音柳打之柳索隱棓音七庚反棓音皮韋昭音剖詩緯云天棓三星天棓五星

星在斗杓左右主槍人棓人石氏星讚云天槍天棓八星脩非常之變也正義槍龐掌反天棓五星在女牀東

北天子先驅所以禦兵也占星不具國兵起也後六星絕漢抵營室曰閣道索隱

絕度也抵屬也又案樂汁圖徵云閣道北斗之輔石氏云閣道六星神所乘也正義漢天河也直度曰絕抵至也營室七星天子之宮亦為玄宮亦為清廟主上公亦天子離宮別館也王者道被草木營室歷九象而可觀閣道六星在王良北飛閣之道天子欲遊別宮之道北占一星不見則輦路不通動搖則宮掖之內起兵也

斗七星所謂璇璣玉衡以齊七政索隱春秋運斗樞云

第三璣第四權第五衡第六開陽第七搖光第一至第四為魁第五至第七為杓合而為斗文耀鉤云斗者天之喉舌玉衡屬杓魁為璇璣徐整長厯云北斗七星星間相去九千里其二陰星不見者相去八千里也尚書旋作璿馬融云璿美玉也璣渾天儀可轉旋故曰旋璣衡其中橫甯以璿為璣以玉為衡蓋貴天象也鄭玄注

之九  
二  
三

大傳言渾儀其中筭為璿璣外規為玉衡者是也尚書  
大傳云七政謂春秋冬夏天文地理人道所以為政也  
人道正而萬事順成又馬融注尚書云七政者北斗七  
星各有所主第一曰主日法天第二曰主月法地第三  
曰命火謂熒惑也第四曰煞土謂填星也第五曰伐水  
謂辰星也第六曰危木謂歲星也第七曰罰金謂太白  
也日月五星各異  
故名曰七政也

**杓攜龍角**

集解孟康曰杓北斗杓也  
龍角東方宿也攜連也正

義按角星為天關其間天門其內天庭黃道所經七曜  
所行左角為理主刑其南為太陽道右角為將主兵其  
北為太陰道也蓋天之三門故其星明  
大則天下太平賢人在位不然反是

**衡殷南斗**

集解

曰衡斗之中央殷中也  
索隱宋均云殷當也

**魁枕參首**

正義枕之禁反衡斗  
衡也魁斗第一星也

言北宮斗斗衡直北當之魁枕於參宿之首北斗之杓  
連於龍角南斗六星為天廟丞相太宰之位主薦賢良

授爵祿又主兵一曰天機南二星天梁中央一星天相  
北二星天府庭也占斗星盛明王道和平爵祿行不然  
反是參主斬刈又為天獄主殺罰其中三星橫列者三  
將軍東北曰左肩主左將西北曰右肩主右將東南曰  
左足主後將軍西南曰右足主偏將軍故軒轅氏占參  
應七將也中央三小星曰伐天之都尉也主戎狄之國  
不欲明若明與參等大臣謀亂兵起夷狄內戰七將皆  
明主天下兵振芒角張王道缺參失色軍散敗參芒角  
動搖邊候有急參左足入玉  
井中及金火守皆為起兵

### 用昏建者杓杓自華以西

南集解孟康曰傳曰斗第七星法太白主杓斗之尾也  
尾為陰又其用昏昏陰位在西方故主西南索隱說  
文云杓斗柄音匹遙反即招搖也正義杓東北第七星  
也華華山也言北斗昏建用斗杓星指寅也杓華山西  
南之地也  
夜半建者衡

集解徐廣曰第五星  
衡殷中州河濟之間  
孟康

曰假令杓昏建寅衡夜半亦建寅正義衡北斗衡也言北斗夜半建用斗衡指寅殷當也斗衡黃河濟水之間

地也平旦建者魁魁海岱以東北也集解孟康曰傳曰斗第一星法於日主齊

也魁斗之首首陽也又其用在明陽與明德在東方故主東北齊分正義言北斗旦建用斗魁指寅也海岱代

郡也言魁星主海岱之東北斗為帝車運于中央臨制地也隨三時所指有三建也

四鄉分陰陽建四時均五行移節度定諸紀皆繫於斗

索隱姚氏案宋均云言是大斗魁戴匡六星曰文昌宮帝乘車巡狩故無所不紀也

集解晉灼曰似戴故曰戴匡索隱文耀鉤云文昌宮為天府孝經援神契云丈者精所聚昌者揚天紀輔拂並

居以成天象一曰上將二曰次將三曰貴相四曰司命故曰文昌宮

五曰司中六曰司祿

索隱春秋元命包曰上將建威武次將正左右貴相理文緒司祿賞

功進士司命主災谷司中主左理也

在斗魁中貴人之宰

集解孟康曰傳曰天理四星在

斗魁中貴人宰名曰天理索隱樂汁圖徵曰天理貴人宰宋均曰以理宰獄也正義占明及其中有星此貴人

也

下獄魁下六星兩兩相比者名曰三能

集解蘇林曰能音台

三能

色齊君臣和不齊為乖戾

索隱案漢書東方朔願陳泰階六符孟康曰泰階三台也

台星凡六星六符六星之符驗也應劭引黃帝泰階六符經曰泰階者天子之三階上階上星為男主下星為

女主中階上星為諸侯三公下星為卿大夫下階上星為士下星為庶人三階平則陰陽和風雨時不平則稼

穡不成冬雷夏霜天行暴令好興甲兵修宮榭廣苑囿則上階為之坼也輔星明近輔臣親

彊斥小疏弱

集解孟康曰在北斗第六星旁蘇林曰斥遠也正義大臣象也占欲其小而明若大

而明則臣奪君政小而不明則臣不任職明大與斗合國兵暴起暗而遠斗臣不死則奪若近臣專賞排賢用佞則輔生角近臣擅國符印將謀社稷則輔生翼不然則死

杓端有兩星一內為矛

招搖

集解孟康曰近北斗者招搖招搖為天矛晉灼曰梗河三星天矛天鋒招搖一星耳索隱案詩汜歷

樞云梗河中招搖為胡兵宋均云招搖星在梗河內樂汁圖徵云梗河天矛星宋均以為梗河名天矛則梗河是星

一外為盾天鋒

集解晉灼曰外遠北斗也在招搖南一名玄戈正義星經云梗河星

為戟劍之星若星不見或進退不定鋒鏑亂起將為邊境之患也

有句圜十五星屬杓

索隱句音鈎圜音員其形如連環即貫索星也正義屬音燭

曰賤人之牢其牢中星



實則囚多虛則開出

索隱詩汜歷樞云賤人牢一日天獄又樂汁圖徵云連營賤人牢宋

均以為連營貫索星也正義貫索九星在七公前一日連索一曰連營一曰天牢主法律禁暴強故為賤人牢也牢口一星為門欲其開也九星悉見則獄事繁不見則刑務簡動搖則斧鉞用中虛則改元口開則有赦人主憂若閉口及星入牢中有自繫死者常夜候之一星不見有小喜二星不見則賜祿三星不見則人主德令且赦遠十七日近十六日若有客星出視其小大大有大赦小亦如之

天一槍楛矛盾動

搖角大兵起

集解李奇曰角芒角

東宮蒼龍房心為明堂

索隱文耀鉤云東宮蒼帝其精為龍爾雅云大辰房心尾

也李巡曰大辰蒼龍宿體最明也春秋說題辭云房心為明堂天王布政之宮尚書運期授曰所謂房四表之

道宋均云四星間有三道  
日月五星所從出入也

大星天王前後星子屬不欲

直直則天王失計

索隱鴻範五行傳曰心之大星天王也前星太子後星庶子

房為

府曰天駟

索隱爾雅云天駟房也詩汜歷樞云房為天馬主車駕宋均云房既近心為明堂又別為

天府及其駟也

其陰右驂

正義房星君之位亦主左驂亦主良馬故為駟王者恒祠之是馬祖也

旁有兩星曰鈴

索隱鈴音其炎反元命包曰鈎鈴兩星以開防神府闔舒為主鈎距以脩非常

也正義占明而近房天下同心鈎鈴房心之間有客星出及疎拆者皆地動之祥也

北一星曰牽

集解徐廣曰音轄正義說文云牽車軸端鍵也兩相穿背也星經云鍵閉一星在房東北掌管籥也占不居其

所則宮門不禁居則反是也

東北曲十二星曰旗

正義兩旗者左旗九星在河鼓左也

右旗九星在河鼓右也皆天之鼓旗所以為旌表占欲其明大光潤將軍吉不然為兵憂及不居其所則津梁不通動搖

旗中四星曰天市中六星曰市樓市中星眾

者實其虛則耗

正義耗貧無也天市垣二十二星在房心東北主國市聚交易之所一曰天旗

明則市吏急商人無利忽然不明反是市中星眾則歲實稀則歲虛熒惑犯戮不忠之臣彗星出當徙市易都客星入兵大起

房南眾星曰騎官左角李右角將

索隱李即

理法官也故元命包云左角理物以起右角將率而動又石氏云左角為天田右角為天門也

大角者

天王帝廷

索隱援神契云大角為坐候宋均云坐帝坐也正義大角一星在兩攝提間人君之象也

占其明盛黃潤則天下大同也

其兩旁各有三星鼎足句之曰攝提攝

提者直斗杓所指以建時節故曰攝提格

集解晉灼曰如鼎之句曲

索隱

元命包云攝提之為言提攜也言能提斗携角以

接於下也

正義攝提六星夾大角大臣之象恒直斗杓

所指紀八節

察萬事者也占色温温不明

亢為疏廟主

而大者人君

吉客星入之主人受制也

疾

索隱元命包云亢四星為廟廷文耀鈞為疏廟宋均以為疏外也廟或為朝也正義聽政之所也其占明

大則輔臣忠天下

其南北兩大星曰南門

正義南門二星在庫樓南

天之外門占明則

氏羌貢暗則

氏為天根主疫

索隱星經云氏

諸夷叛客星守之外

兵且至也

四星為路寢聽朝所居其占明大則臣下奉度春秋合

誠圖云氏為宿宮也

爾雅云天根氏也孫炎以為角亢

下繫於氏若木之有根

宋均云疫疾也三月榆莢落故

主疾疫也然此時物雖生而日宿在奎行毒氣故有疫

疾也正義氏房心三宿為尾為九子曰君臣斥絕不和火於辰在卯宋之分野

索隱宋均云屬後宮場故得兼子子必九者取尾有九星也元命包云尾九星箕四星為後宮之場也正義尾箕尾為析木之津於辰在寅燕之分野尾九星為後宮亦為九子星近心第一星為后次三星妃次三星嬪末二星妾占均明大小相承則後宮敘而多子不然則不金火守之後宮兵起若明暗不常妃嫡乖亂妾媵失序箕為教客曰口舌索隱宋均云教調弄也箕以鞭揚調弄為象箕又受物有去來來客之象也詩云維南有箕載翕其舌又詩緯云箕為天口主出氣是箕有舌象讒言故詩曰哆兮侈兮成是南箕謂為教客行請謁也正義教音傲箕主八風亦后妃之府也移徙入河國人相食金火入守天下亂月宿其野為

起風火犯守角則有戰房心王者惡之也

索隱章昭曰火熒惑正義熒惑

犯守箕尾氏星自生芒角則有戰陣之事若熒惑守房心及房心自生芒角則王者惡之也

南宮朱鳥

索隱文耀鉤云南宮赤帝其精為朱鳥也正義柳八星為朱鳥味天之厨宰主尚食和滋

味

權衡

集解孟康曰軒轅為權太微為衡正義權四星在軒轅尾西主烽火脩警急占以明為安靜不

明則警急動搖芒角亦如之衡太微之庭也

衡太微三光之廷

索隱宋均曰太微天帝南

宮也三光日月五星也

匡衛十二星藩臣

索隱春秋合誠圖曰太微主法式陳星十二以

脩武患也正義太微宮垣十星在翼軫地天子之宮庭五帝之坐十二諸侯之府也其外藩九卿也南藩中二星間為端門次東第一星為左執法廷尉之象第二星為上相第三星為次相第四星為次將第五星為上將端門西第一星為右執法御史大夫之象也第二星為上將第三星為次將第四星為次相第五星為上相其

東垣北左執法上相兩星間名曰左掖門上將兩星間名曰東華門上相次相上將次將間名曰太陽門其西垣右執法上相間名曰右掖門上將間名曰西華門次將次相間名曰中華門次相兩星間名曰太陰門各依其名是其職也占

西將東相南四星執法中端門門左

右掖門門內六星諸侯

正義內五諸侯五星列在帝庭其星並欲光明潤澤若枯燥則

各於其處受其災變大至誅戮小至流亡若動搖則擅命以干主者審其分以占之則無惑也又云五諸侯五星在東并東北近北河主刺舉戒不虞又曰理陰陽察得失一曰帝師二曰帝友三曰三公四曰博士五曰太史此五者為天子定疑議也占明大潤澤大小齊等則國之福不然則上下相猜忠臣不用

其內五

星五帝坐

索隱詩含神霧云五精星坐其東蒼帝坐神名靈威仰精為青龍之類也正義黃帝坐一

星在太微宮中舍樞紐之神四星夾黃帝坐蒼帝東方靈威仰之神赤帝南方赤熒怒之神白帝西方白招矩之神黑帝北方叶光紀之神五帝並設神靈集謀者也占五座明而光則天子得天地之心不然則失位金火來守入太微若順入軌道司其出之所守則為天子所誅也其逆入若不軌道以所犯命之中坐成形羣下從謀也

**後聚一十五星蔚然**

集解徐廣曰一云哀烏

**曰郎位**

索隱漢書作哀烏則

哀烏蔚然皆星之貌狀其星昭然所以象郎位也正義郎位十五星在太微中帝坐東北周之元士漢之光祿中散諫議此三署郎中是今之尚書郎占欲其大小均耀光潤有之吉也

**傍一大星將位也**

索隱宋均云為羣郎之將帥也正義將子象反郎將一星在郎位東北所以為武備今之左右中郎將占大而明角將恣

**月五星順入軌道**

索隱韋昭云謂循軌道不可當也邪逆也順入從西入也正



義謂月五星順入軌道入太微庭也司其出所守天子所誅也索隱宋均

月五星所守列宿若請官屬不去其逆入若不軌道以

十日者於是天子命使誅之也所犯命之中坐成形皆羣下從謀也集解晉灼曰中坐

福之形見也索隱宋均云逆入從東入不軌道不由康衢而入也以其所犯命者亦謂隨所犯之位天子必命

誅討其人也正義命名也謂月五星逆入不依軌道司察其所犯太微中帝坐帝坐必成其刑戮皆是羣下相

從而謀金火尤甚索隱案火主銷物而金為兵故尤急上也則水土木為小變也正義若金火逆

入不軌道犯帝坐尤甚於月及水土木也廷藩西有隋星五曰少微士大夫

隋音他果反索隱宋均云南北為隋隋謂垂下也春秋合誠圖云少微處士位又天官占云一名處士星也正

義廷太微廷藩衛也少微四星在太微南北列第一星處士也第二星議士也第三星博士也第四星大夫也占以明大黃潤則賢士舉不明反是月五星犯守處士憂宰相易也

權軒轅軒轅黃龍體

前大星女主象旁小星御者後宮屬

騰龍索隱援神契

曰軒轅十二星后宮所居石氏星讚以軒轅龍體主后妃也正義軒轅十七星在七星北黃龍之體主雷雨之神後宮之象也陰陽交感雷激為雷和為雨怒為風亂為霧凝為霜散為露聚為雲氣立為虹蜺離為背孺分為抱珥二十四變皆軒轅主之其大星女主也次北一星夫人也次北一星妃也其次諸星皆次妃之屬女主南一小星女御也左一星少民后宗也右一星大民太后宗也占欲其小黃而明吉大明則為後宮爭競移徙則國人流進東西南角大張而振后族敗水火金守軒轅女主惡也

月五星守犯者如衡

**占** 索隱宋均云責在后黨嬉譏  
賊興占此祥天子亦當誅之  
**東井為水事** 索隱元命  
包云東井

八星主 **其西曲星曰鉞** 正義東井八星鉞一星與鬼五  
水衡也 星一星為質為鶉首於辰在未

皆秦之分野一大星黃道所經為天之亭候主水衡事  
法令所取平也王者用法平則井星明而端列鉞一星

附井之前主向奢淫而斬之占不欲明明與井齊  
或搖動則天子用鉞於大臣月宿井有風雨之變 **鉞北**

**北河** 正義南河三星北河三星分夾東井南北  
北河南北戒一曰陰門亦為戒南河南戒一曰陽門亦曰越門

占以南星不見則南道不通北亦如之動搖及火守中  
國兵起也又云動則胡越

為變或連近臣以結之 **兩河天關間為關梁** 索隱宋  
均云兩

河六星知逆邪言關梁之限知邪偽也正義關丘二星  
在河南天子之雙闕諸侯之兩觀亦象魏縣書之府金

火守之主兵戰闕下也

輿鬼鬼祠事中白者為質

集解晉灼曰輿鬼五星其中白

者為質正義輿鬼五星主祠事天目也主視明察姦謀  
東北星主積馬東南星主積兵西南星主積布帛西北  
星主積金玉隨其變占之中一星為積尸一名質主喪  
死祠祀占鬼星明大穀成不明百姓散質欲其習習不

明明則兵起大臣誅下人死之

火守南北河兵起穀不登故德成衡觀

成潢

集解晉灼曰日月五星不軌道也

傷成鉞

集解晉灼曰賊

傷之占先成形於鉞索隱案德成衡衡則能平物故有  
德公平者先成形於衡觀成潢為帝車舍言王者遊觀  
亦先成形於潢也傷成鉞者傷敗也言王者敗德亦先  
成形於鉞以言有敗亂則有鉞誅之形按文耀鉤則云  
德成潢敗成鉞其意異也又此下文禍成  
井誅成質皆是東井下義總列於此也  
禍成井 集解晉灼

曰東井主水事火入之一星居  
其旁天子且以火敗故曰禍也  
**誅成質**集解晉灼曰熒惑入輿鬼天質

占曰大柳為鳥注主木草  
索隱案漢書天文志注作味爾雅云鳥味謂之柳孫炎云

味朱鳥之口柳其星聚也以注為柳星故主草木也正  
義味丁救反一作注柳八星星七星張六星為鷄火於

辰在午皆周之分野柳為朱鳥味天之厨宰主尚  
食和滋味占以順明為吉金火守之國兵大起 **七星**

**頸為員官主急事**索隱案宋均云頸朱鳥頸也員官隴

也正義七星為頸一名天都主衣裳文繡主  
急事以明為吉暗為凶金火守之國兵大起 **張素為厨**

**主觴客**索隱素嗟也爾雅云鳥張嗟郭璞云鳥受食之處也正義張六星六為嗟主天厨飲食賞賚觴

客占以明為吉暗為凶  
金火守之國兵大起 **翼為羽翮主遠客**正義翼二十

史記  
十三

長沙一星轄二星合軫七星皆為鷄尾於辰在己楚之分野翼二十二星為天樂府又主夷狄亦主遠客占明大禮樂興四夷服從則軫為車主風索隱宋均云軫四天子舉兵以罰亂者星居中又有二星

為左右轄車之象也軫與巽同位為風車動行極似之也正義軫四星主冢宰輔臣又主車騎亦主風占明大則車騎用太白守之天下學校散文儒失業兵戈大興熒惑守之南方有不用命之國當發兵伐之辰星守之徐泗有戮者其旁有一小星曰長沙正義長沙一星在軫中主壽命占明主長壽子

孫昌也星星不欲明明與四星等若五星入軫星中兵大

起索隱宋均云五星主行使使動兵車亦動也軫南眾星曰天庫樓庫有五

車車星角若益眾及不具無處車馬

西宮咸池

索隱文耀鉤云西宮白帝其精白虎正義咸池三星在五車中天潢南魚鳥之所託也金

犯守之兵起火守之有災也

曰天五潢五潢五帝車舍

索隱案元命包曰咸池主

五穀其星五者各有所職咸池言穀生於水吐秀舍實主秋成故一名五帝車舍言以車載穀而販也正義五車五星三柱九星在畢東北天子五兵車舍也西北大星曰天庫主太白秦也次東北曰天獄主辰燕趙也次東曰天倉主歲衛魯也次東南曰司空主鎮楚也次西南曰卿主熒惑魏也占五車均明柱皆見則倉庫實不見其國絕食兵且起五車三柱有變各以其國占之三柱出外兵出柱入兵入柱出一月米貴三倍期二年出三月貴十倍期三年柱出不與天倉相近軍出米貴轉粟千里柱倒立尤甚火入天下旱金入兵水入水也

火入旱金兵水水中有三柱柱不具兵起

索隱謂火金水入五潢則

各致此災也宋均云不言木土者木土德星於此不為害也

**奎曰封豕為溝瀆**

正義正苦

圭反十六星婁三星為降婁於辰在戌魯之分野奎天之府庫一曰天豕亦曰封豕主溝瀆西南大星所謂天豕目占以明為吉星不欲圍圓圓則兵起暗則臣干命之咎亦不欲開闔無常當有白衣稱命於山谷者五星犯奎人主與德權臣擅命不可禁者王者宗祀不潔則奎動搖若燄燄有光則近臣謀上之應亦庶人饑饉之厄大白守奎胡貉之憂可以伐之熒惑星守之則有水之憂連以三年填星歲星守之中國之利外國不利可以興師動**婁為聚眾**正義婁三星為苑牧養犧牲以眾斬斷無道**胃為天倉**正義胃三星昂七星畢八星為兵聚金火守**胃**大梁於辰在酉趙之分野謂主之兵起也**倉廩五穀之府也**占明則天**其南眾星曰詹積**集解如淳曰藟下和平五穀豐稔不然反是



藁積為廕也正義藁藁六星在天苑西主  
積藁草者不見則牛馬暴死火守災起也  
昂曰髮頭胡

星也為白衣會

正義昂七星為髮頭胡星亦為獄事明  
天下獄訟平暗為刑罰濫六星明與大

星等大水且至其兵大起搖動若跳躍  
者胡兵大起一星不見皆兵之憂也

畢曰罕車為邊

兵主弋獵

索隱爾雅云濁謂之畢也孫炎為掩兔之畢  
或呼為濁因以名星也正義畢八星曰罕車

為邊兵主弋獵其大星曰天高一曰邊將主四夷之尉  
也星明大天下安遠夷入貢失色邊亂畢動兵起月宿  
則多雨毛萇云  
畢所謂掩兔也  
其大星旁小星為附耳附耳搖動有讒

亂臣在側

正義附耳一星屬畢大星之下次天高東南  
隅主為人主聽得失伺憊過星明中國微邊

寇警移動則讒佞  
行入畢國起兵

昂畢間為天街其陰陰國陽陽國

集解

孟康曰陰西南坤維河山已北國陽河山已南國索隱元命包云畢為天階爾雅云大梁昴孫炎云畢昴之間

日月五星出入要道若津梁正義天街三星在畢昴間主國界也街南為華夏之國街北為夷狄之國土金守

胡兵入也參為白虎正義觜三星參三星外四星為實沉三於辰在申魏之分野為白虎形也

星直者是為衡石集解孟康曰參三星者下有三星兌白虎宿中西直似稱衡

曰罰為斬艾事集解孟康曰在參間上小下大故曰銳晉灼曰三星少斜列無銳形正義罰亦

作伐春秋運斗樞云參伐事主斬艾其外四星左右肩股也小三星隅置

曰觜觴為虎首主葆旅事集解如淳曰關中俗謂桑榆孽生為葆晉灼曰葆菜也野

生曰旅今之饑民采旅生也索隱姚氏案宋均云葆守也旅猶軍旅也言佐參伐以斬除凶也正義觜子思反

鵬胡規反葆音保莆鵬為虎首主收斂葆旅事也  
葆旅野生之可食者占金木來守國易政災起也  
其南

有四星曰天廁

正義天廁四星在屏東主溷也占色黃吉青與白皆凶不見則人寢疾

廁

下一星曰天矢矢黃則吉青白黑凶

正義天矢一星在厠南占與天厠同

其西有句曲

正義句音鉤

九星三處羅一曰天旗

正義參旗九星在參

西天旗也指麾遠近以從命者王者斬伐當理則天旗曲直理順不然則兵動於外可以憂之若明而稀則邊寇將動不然則不  
二曰天苑  
正義天苑十六星如環狀在畢南天子養禽獸之所稀暗則多死亡

三曰九旂

集解徐廣曰音流正義九旂九星在玉井西南天子之兵旗所以導軍進退亦領州列邦

並不欲搖動搖動則九州分散人民失業信命亦不通於中國憂金火守之亂起也

其東有大星

曰狼狼角變色多盜賊

正義狼一星參東南狼為野將主侵掠占非其處則人相食色

黃白而明吉赤角兵起金火守亦如之

下有四星曰弧直狼

正義弧九星在狼東南天

之弓也以伐叛懷遠又主備賊盜知姦邪者弧矢向狼動移多盜明大變色亦如之矢不直狼多盜引滿則天

下盡狼比地有大星曰南極老人老人見治安不見兵

起常以秋分時候之于南郊附耳入畢中兵起

集解晉灼曰比

地近地也正義老人一星在弧南一曰南極為人主壽命延長之應常以秋分之曙見於景春分之夕見於丁見則國長命故謂之壽昌天下安寧不見人主憂也

北宮玄武

索隱文耀鉤云北宮黑帝其精玄武爾雅云玄枵虛也又云北陸虛也解者以陸為道孫

炎曰陸中也北方之宿中也正義南  
斗六星牽牛六星並北宮玄武之宿  
**虛危**正義虛二星危三星為玄

枵於辰在子齊之分野虛主死喪哭泣事又為邑居廟  
堂祭祀禱祝之事亦天之冢宰主平理天下覆藏萬物

占動則有死喪哭泣之應火守則天子將兵水守則人  
饑饉金守臣下兵起危為宗廟祀事主天府天市架屋

占動則有土功火守天  
下兵水守下謀上也  
**危為蓋屋**索隱宋均云危上一  
星高旁兩星隋下似

乎蓋屋也正義蓋屋二星在危南主天子所居宮室之  
官也占金火守八國兵起孛彗尤甚危為架屋蓋屋自

有星恐  
文誤也  
**虛為哭泣之事**索隱姚氏案荊州占以為其宿  
二星南星主哭泣虛中六星不

欲明明則  
有大喪也  
其南有眾星曰羽林天軍正義羽林四十五  
星三三而聚散在

壘壁南天軍也亦天宿衛主兵革  
不見天下亂金火水入軍起也  
軍西為壘或曰鉞正義

壘壁陳十三星橫列在營室南天軍之垣壘占五星入皆兵起將軍死也

旁有一大星為北

落北落若微亡軍星動角益布及五星犯北落入軍軍

起火金水尤甚火軍憂水患木土軍吉

集解駟案漢書音義曰木星土

星入北落則吉也正義北落師門一星在羽林西南天軍之門也長安城北落門以象此也主非常以候兵占明則軍安微弱則兵起金火守有兵為虜犯塞土木則吉危東六星兩兩相比曰司

空

正義比音鼻比近也危東兩兩相比者是司命等星也司空唯一星耳又不在危東恐命字誤為空也司

命二星在虛北主喪送司祿二星在司命北主官司危二星在司祿北主危亡司非二星在危北主憊過皆冥司之職占大為營室為清廟曰離宮閣道

索隱元命包云營室十星

君憂常則吉也

埏陶精類始立紀綱包物為室又爾雅云營室謂之定郭璞云定正也天下作宮室皆以營室中為正也荊州占云閣道王良旗也有六星漢中四星曰天駟索隱元命包云漢中四星曰騎一曰天駟

也旁一星曰王良王良策馬車騎滿野索隱春秋合誠圖云王良主天

馬也正義王良五星在奎北河中天子奉御官也其動策馬則兵騎滿野客星守之則津橋不通金火守入皆兵之憂也策一星在王良前主天子僕也占以動搖移易在王良前或居馬後則為策馬策馬而兵動也按豫章周騰字叔達南昌人為侍御史桓帝當南郊平明應出騰仰觀曰夫王者象星今宮中星及策馬星悉不動上明日必不出至四更皇太子卒遂止也

旁有八星絕漢曰天潢天潢旁江

星江星動人涉水

索隱元命包曰潢主河渠所以度神通四方宋均云天潢天津也津湊也

主計度也正義天江四星在尾北主太陰也  
不欲明明而動水暴出其星明大水不禁也  
杵曰四星

在危南

正義杵曰三星在丈人星旁主軍糧占正下直  
曰吉與曰不相當軍糧絕也曰星在南主春其

占覆則歲大饑  
仰則大熟也

匏瓜有青黑星守之魚鹽貴

索隱荊州  
占云匏瓜

一名天雞在河鼓東匏瓜明則歲大熟也正義匏音白  
包反匏瓜五星在離珠北天子果園占明大光潤歲熟  
不則包果之實不  
登客守魚鹽貴也  
南斗為廟  
正義南斗六  
星在南也  
其北建星建

星者旗也

正義建六星在斗北臨黃道天之都關也斗  
建之間七曜之道亦主旗輅占動搖則人勞

不然則不月暈蛟龍見牛馬疫月五星  
犯守大臣相謀為闕梁不通及大水也  
牽牛為犧牲  
正義

牽牛為犧牲亦為關梁其北二星一曰即路一曰聚火  
又上一星主道路次二星主關梁次三星主南越占明



大關梁通不明不通天下牛  
疫死移入漢中天下乃亂也  
其北河鼓河鼓大星上將

左右左右將

索隱爾雅云河鼓謂之牽牛孫炎云河鼓之旗十二星在牽牛北故或名河鼓為牽

牛也正義河鼓三星在牽牛北主軍鼓蓋天子三將軍中央大星大將軍其南左星左將軍其北右星右將軍所以備關梁而拒難也占明大光潤將軍吉動搖差戾亂兵起直將有功曲則將失計也自昔傳牽牛織女七月七日相婺女索隱爾雅云須女謂之務女或作婺字見此星也正義須女四星亦婺女天少府也南斗牽牛須女皆為星紀於辰在丑越之分野而斗牛為吳之分野也須女賤妾之稱婦職之卑者主布帛裁製嫁娶占水守之萬物不成火守布帛貴人多死土守有女喪金守兵起也其北織女織女天

女孫也

集解徐廣曰孫一作名索隱荊州占云織女一名天女天子女也正義織女三星在河北天紀

東天女也主果蓏絲帛珍寶占王者至孝於神明則三星俱明不然則暗而微天下女工廢明則理大星怒而角布帛踊貴不見則兵起晉書天文志云晉太史令陳卓總甘石巫咸三家所著星圖大凡二百八十三官一千四百六十四星以為定紀今略其昭昭者以備天官云

察日月之行以揆歲星順逆

索隱姚氏案天官占云歲星一日應星一日經星一

日紀星物理論云歲行一次謂之歲星則十二歲而星一周天也正義晉灼云太歲在四仲則歲行三宿太歲在四孟四季則歲行二宿二十八十六三  
四十二而行二十八宿十二歲而周天  
**曰東方木主春**

日甲乙義失者罰出歲星

正義天官云歲星者東方木之精蒼帝之象也其色明而

內黃天下安寧夫歲星欲春不動動則農廢歲星羸縮以其舍命國所在之國不可伐可以罰人失次則民多

病見則喜其所居國人主有福不可以搖動人主怒無  
光仁道失歲星順行仁德加也歲星農官主五穀天文  
志云春日甲乙四時春也五常仁五事貌也  
人主仁虧貌失逆時令傷木氣則罰見歲星

歲星羸縮

以其舍命國所在國不可伐可以罰人

索隱案天文志曰凡五星早出

為羸羸為客晚出為縮縮為主人五星羸縮必有天應見杓也正義舍所止宿也命名也

其趨舍而

前曰羸

索隱趨音聚謂促也

退舍曰縮羸其國有兵不復縮其國

有憂將亡

正義將音子匠反

國傾敗其所在五星皆從而聚於

一舍其下之國可以義致天下

索隱漢高帝元年五星皆聚東井天文志云其

年歲星在東井故四星從而聚也

以攝提格歲

索隱太歲在寅歲星正月晨出東方按爾雅歲

在寅為攝提格李巡云言萬物承陽起故曰攝提格格起也

歲陰左行在寅歲星右

轉居丑正月與斗牽牛晨出東方名曰監德

索隱歲星在寅正月

晨見東方之名已下皆出石氏星經天文云星在斗牽牛失次應見於杓也漢書天文志則載甘氏及太初星歷所在之宿色蒼蒼有光其失次有應見柳歲早水晚旱不同也

歲星出東行十二度百日而止反逆行逆行八度百日復東行歲行三十度十六分度之七率日行十二分度之一十二歲而周天出常東方以晨入於西方用昏單

闕歲

索隱在卯也歲星二月晨出東方爾雅云卯為單闕李巡云陽氣推萬物而起故曰單闕單盡也闕

也止歲陰在卯星居于以二月與婺女虛危晨出曰降入

索隱即歲星二月晨見東方之名其餘準此大有光其失次有應見張名曰

降入其歲大水執徐歲索隱爾雅辰為執徐李巡云伏

執蟄也歲陰在辰星居亥以三月居與營室東壁晨出

曰青章青青甚章其失次有應見軫曰青章歲早早晚

水大荒駱歲索隱爾雅云在巳為大荒駱姚氏云言萬物皆熾盛而大出霍然落落故曰荒駱也

歲陰在巳星居戌以四月與奎婁胃昂晨出曰躋踵集解

徐廣曰一曰路嶂索隱天文志作路踵字詁云踵今作踵也正義躋白邊反踵之勇反熊熊赤色

有光其失次有應見亢敦牂歲

索隱爾雅云在午為敦牂孫炎云敦盛也牂壯

也言萬物盛壯  
韋昭云敦音頓

歲陰在午星居酉以五月與胃昴畢晨

出曰開明

集解徐廣曰一曰天津  
索隱天文志作啟明

炎炎有光

正義炎  
鹽驗反偃

兵唯利公王不利治兵其失次有應見房歲早早晚水

叶洽歲

索隱爾雅云在未為叶洽李巡云陽氣  
欲化萬物故曰協洽協和也洽合也

歲陰在

未星居申以六月與觜觿

正義觜子斯  
反觿胡規反

參晨出曰長列

昭昭有光利行兵其失次有應見箕涖灘歲

索隱爾雅  
云在申為

涖灘李巡云涖灘物吐秀傾  
垂之貌涖他昆反灘他丹反

歲陰在申星居未以七月

與東井輿鬼晨出曰天音昭昭白其失次有應見牽牛

作鄂歲

索隱爾雅在酉為作鄂李巡云作鄂皆物芒枝起之貌鄂音愕案下文云作作有芒則李巡解

亦近天文志作詬音而恪反與史記及爾雅並異

歲陰在酉星居午以八月與

柳七星張晨出曰為長王作作有芒國其昌熟穀其失

次有應見危曰大章有旱而昌有女喪民疾閹茂歲索隱

爾雅云在戌曰閹茂孫炎云萬物皆蔽冒故曰閹茂閹蔽也茂冒也天文志作掩茂歲陰在戌星

居己以九月與翼軫晨出曰天睢索隱劉氏音吁唯反白色大明

其失次有應見東壁歲水女喪大淵獻歲索隱爾雅云在亥為大淵

獻孫炎云淵深也大獻萬歲陰在亥星居辰以十月與物於深謂蓋藏之於外也

角亢晨出曰大章

集解徐廣曰一曰天皇索隱天文志亦作天皇

蒼蒼然星若

躍而陰出旦是謂正平起師旅其率必武其國有德將

有四海其失次有應見婁困敦歲

索隱爾雅在子為困敦孫炎云困敦混沌

也言萬物初萌混沌於黃泉之下

歲陰在子星居卯以十一月與氐房

心晨出曰天泉玄色甚明江池其昌不利起兵其失次

有應在昴赤奮若歲

索隱爾雅云在丑為赤奮若李巡云言陽氣奮迅若順也

歲陰

在丑星居寅以十二月與尾箕晨出曰天皓

索隱音昊漢志亦作



昊 黥然黑色甚明

索隱黥音烏闕反

其失次有應見參當居不

居居之又左右搖未當去去之與他星會其國凶所居

久國有德厚其角動乍小乍大若色數變人主有憂其

失次舍以下進而東北三月生天棓長四尺末兌

索隱天文

志此皆甘氏星經文而志又兼載石氏此皆不取石氏名申甘氏名德正義棓音蒲講反歲星之精散而為天槍天棓天衝天猾國皇天攬及登天荆真若天揅天垣蒼彗皆以應凶災也天棓者一名覺星本類星末銳長

四丈出東北西方進而東南三月生彗星長二丈類

其出則天下兵爭也彗 正義天彗者一名掃星本類星末類彗小者數寸長長或竟天而體無光假日之光故夕見則東指晨見

則西指若日南北皆隨日光而指光芒所及為災變見則兵起除舊布新彗所指之處弱也

退而西

北三月生天撓長四丈末兌

集解韋昭曰撓音參差之參正義撓楚咸反天撓者

在西南長四丈銳京房云天撓為兵赤地千里枯骨籍籍天文志云天撓主兵亂也

退而西南三

月生天槍長數丈兩頭兌

正義槍楚行反天槍者長數丈兩頭銳出西南方其見不

過三月必有破國亂君伏死其辜天文志云孝文時天槍夕出西南占曰為兵喪亂其六年十一月匈奴入上郡雲中漢起兵以衛京師也 謹視其所見之國不可舉事用兵其出

如浮如沉其國有土功如沈如浮其野七色赤而有角

其所居國昌迎

集解徐廣曰迎一作御

角而戰者不勝星色赤黃

而沈所居野大穰

正義穰人羊反豐熟也

色青白而赤灰所居野

有憂歲星入月其野有逐相與太白鬪

集解韋昭曰星相擊為鬪其

野有破軍歲星一曰攝提曰重華曰應星曰紀星營室為清廟歲星廟也

察剛氣以處熒惑

集解徐廣曰剛一作罰索隱案姚氏引廣雅熒惑謂之執法天官占云熒

惑方伯象司察妖孽則徐云察罰氣為是春秋緯文耀鉤云赤帝燥怒之神為熒惑位南方禮失則罰出晉灼云常以十月入太微受制而出曰南方火主夏日丙丁

行列宿司無道出入無常也  
禮失罰出熒惑熒惑失行是也出則有兵入則兵散以

其舍命國熒惑熒惑為勃亂殘賊疾喪饑兵

集解徐廣曰以下云

熒惑為理外則理兵內則理政正義天官占云熒惑為執法之星其行無常以其舍命國為殘賊為疾為喪為饑為兵環繞勾曲芒角動搖乍前乍後其殃逾甚熒惑主死喪大鴻臚之象主甲兵大司馬之義伺驕奢亂孽執法官也其精為風伯惑童兒歌謠嬉戲也 反道二舍以上居之三月有殃

五月受兵七月半亡地九月太半亡地因與俱出入國

絕祀居之殃還至雖大當小

素隱案還音旋旋疾也若熒惑反道居其舍所致殃

禍速疾則雖大反小

久而至當小反大

素隱久謂行遲也如此其禍小反大言久腊毒也 其

南為丈夫北為女子喪

素隱宋均云熒惑守輿鬼南為丈夫受其咎北則女子受其凶

也  
若角動繞環之及乍前乍後左右殃益大與他星鬪

正義凡五星鬪皆為戰鬪兵不在外則為內亂鬪謂光芒相及光相逮為害不相逮不

害五星皆從而聚于一舍其下國可以禮致天下

正義三星

若合是謂驚立絕行其國外內有兵與喪人民饑乏改立侯王四星若合是為太陽其國兵喪暴起君子憂小人流五星若合是謂易行有德者受慶奄有四方無德者受殃乃以死亡也法出東行十六

舍而止逆行二舍六旬復東行自所止數十舍十月而

入西方伏

集解晉灼曰伏不見

行五月出東方其出西方曰反明

主命者惡之東行急一日行一度半其行東西南北疾

也兵各聚其下用戰順之勝逆之敗熒惑從太白軍憂

離之軍却出太白陰有分軍行其陽有偏將戰當其行

太白逮之破軍殺將索隱宋均云太白宿主軍來衝拒也其入守犯太微

集解孟康曰犯七寸巳內光芒相及也韋昭曰自下觸之曰犯居其宿曰守軒轅營室主命

惡之心為明堂熒惑廟也謹候此

歷斗之會以定填星之位索隱晉灼曰常以甲辰之元始建斗歲行一宿二十八歲

而周天廣雅曰填星一名地侯文耀鉤曰填黃帝含樞紐之精其體旋璣中宿之分也曰中央土

主季夏日戊巳黃帝主德女主象也歲填一宿其所居

國吉未當居而居若已去而復還還居之其國得土不

乃得女若當居而不居既已居之又西東去其國失土

不乃失女不可舉事用兵其居久其國福厚易福薄

集解

徐廣曰易猶輕速也

其一名曰地侯主歲歲行十二度百十二分

度之五日行二十八分度之一二十八歲周天其所居

五星皆從而聚于一舍其下之國可重致天下

正義重音逐隴

反言五星皆從填星其下之國倚重而致天下以填主木土故也

禮德義殺刑盡失而

填星乃為之動搖羸為王不寧其縮有軍不復填星其

色黃光芒音曰黃鐘宮其失次上二三宿曰羸有主命不成不乃大水失次下二三宿曰縮有后戚其歲不復不乃天裂若地動斗為丈太室填星廟天子之星也木星與土合為內亂饑主勿用戰敗水則變謀而更事火

為旱金為白衣會

正義星經云凡五星木與土合為內亂饑與水合為變謀更事與火合為

饑為旱與金合為白衣會也

若木金在南曰牝牡年穀熟金在北歲

偏無

索隱晉灼曰歲陽也太白陰也故曰牝牡正義星經云金在南木在北名曰牝牡年穀大熟金在北

木在南其年或有或無

火與水合為焯與金合為鑠為喪皆不可



舉事用兵大敗土為憂主孽卿

集解晉灼曰火入水故曰焯素隱案謂火與水

俱從填星合也正義焯忽內反星經凡五星火與水合為焯用兵舉事大敗與金合為鑠為喪不可舉事用兵從軍為憂離之軍却與土合為憂主孽卿與木合饑戰敗也素隱文耀鉤云水土合則成鑪治鑪治成則火興火興則土之子焯金成銷鑠金鑠則土無子無子輔父則益妖孽故子憂也

大饑戰敗為北

軍

正義為北軍北也凡軍敗曰北

軍困舉事大敗土與水合穰而擁闕

正義擁於拱反闕烏葛反

有覆軍

集解徐廣曰或云木火土三星若合是謂驚立絕行

其國不

可舉事出亡地入得地金為疾為內兵亡地三星若合

其宿地國外內有兵與喪改立公王四星合兵喪並起

君子憂小人流五星合是謂易行有德受慶改立大人  
奄有四方子孫蕃昌無德受殃若亡五星皆大其事亦  
大皆小事亦小蚤出者為羸羸者為客晚出者為縮縮  
者為主人必有天應見於杓星同舍為合相凌為鬪

集解

孟康曰凌相冒占過也韋昭曰突掩為凌

七寸以內必之矣

索隱韋昭云必有禍也

五

星色白園為喪旱赤園則中不平為兵青園為憂水黑  
園為疾多死黃園則吉赤角犯我城黃角地之爭白角  
哭泣之聲青角有兵憂黑角則水意

集解徐廣曰一作志

行窮兵

之所終五星同色天下偃兵百姓寧昌春風秋雨冬寒  
夏暑動搖常以此填星出百二十日而逆西行西行百  
二十日反東行見三百三十日而入三十日復出東  
方太歲在甲寅鎮星在東壁故在營室

察日行以處位太白

索隱太白辰出東方曰啓明故察日行以處太白之位韓詩云太白

晨出東方為啓明昏見西方為長庚又孫炎注爾雅亦以為晨出東方高三丈命曰啓明昏見西方高三舍命曰太白正義晉灼云常以正月甲寅與熒惑晨出東方二百四十日而入又出西方二百四十日而入八十  
五日而復出東方出以寅戌入以丑未天官占云太白者西方金之精白帝之子三公大將軍之象也一名殷

星一名大正一名熒星一名官星一名梁星一名滅星  
一名大翼一名大衰一名大爽徑一百里天文志云其  
日庚辛四時秋也五常義也五事言也人主義虧言失  
逆時令傷金氣罰見太白春見東方以晨秋見西方以  
夕日西方秋司兵月行及天矢正義太白五芒出早為  
月蝕晚為天矢及彗其

精散為天杵天桴伏靈大敗司姦天狗賊星天殘卒  
起星是古曆星若竹琴牆星掠星白翟皆以示變也

庚辛主殺殺失者罰出太白太白失行以其舍命國其

出行十八舍二百四十日而入入東方伏行十一舍百

三十日其入西方伏行三舍十六日而出當出不出當

入不入是謂失舍不有破軍必有國君之篡其紀上元

正義其紀上元是星古  
歷初起上元之法也  
以攝提格之歲與營室晨出東

方至角而入與營室夕出西方至角而入與角晨出入

畢與角夕出入畢與畢晨出入箕與畢夕出入箕與箕

晨出入柳與箕夕出入柳與柳晨出入營室與柳夕出

入營室凡出入東西各五為八歲二百三十日

集解徐廣曰一

云三十  
二日  
復與營室晨出東方其大率歲一周天

索隱案上元是

古歷之名言用上元紀歷法則攝提歲而太白與營室  
晨出東方至角而入與營室夕出西方至角而入凡出  
入東西各五為八歲二百三十日復  
與營室晨出東方大率歲一周天也  
其始出東方行遲

率日半度一百二十日必逆行一二舍上極而反東行  
行日一度半一百二十日入其庫近日曰明星柔高遠

日曰大囂

集解徐廣曰囂一作變

剛其始出西行疾率日一度半

百二十日上極而行遲日半度百二十日旦入必逆行  
一二舍而入其庫近日曰太白柔高遠日曰大相剛出  
以辰戌入以丑未當出不出未當入而入天下偃兵兵  
在外入未當出而出當入而不入下起兵有破國其當  
期出也其國昌其出東為東入東為北方出西為西入

西為南方所居久其鄉利疾

集解蘇林曰疾過也

其鄉凶出西逆

行至東正西國吉出東至西正東國吉其出不經天經

天天下草政

索隱孟康曰謂出東入西出西入東也太白陰星出東當伏東出西當伏西過午為

經天又晉灼曰日陽也日出則星沒太白晝見午上為經天也小以角動兵起始出大

後小兵弱出小後大兵強出高用兵深吉淺凶庠淺吉

深凶日方南金居其南日方北金居其北曰羸

正義鄭元云方

猶向也謂晝漏半而置土圭表陰陽審其南北也影短於土圭謂之日南是也地於日為近南也長於土圭謂之日北是地於日為近北也凡日影於地千里而差一寸周禮云日南則影短多暑日北則影長多寒孟康

云金謂太白也  
影日中之影也

侯王不寧用兵進吉退凶日方南金居

其北日方北金居其南曰縮侯王有憂用兵退吉進凶

用兵象太白太白行疾疾行遲遲行角敢戰動搖躁躁

圜以靜靜順角所指吉反之皆凶出則出兵入則入兵

赤角有戰白角有喪黑圜角憂有水事青圜小角憂有

木事黃圜和角有土事有年

正義太白星圜天下和平  
若芒角有土事有年謂豐

也熟其已出三日而復有微入入三日乃復盛出是謂奕

集解晉灼曰奕退之不  
進索隱奕音奴亂反

其下國有軍敗將北其已入三



日又復微出出三日而復盛入其下國有憂師有糧食

兵草遺人用之

正義遺唯季反

卒雖衆將為人虜其出西失行

外國敗其出東失行中國敗其色大圜黃渾

音澤

可為好

事其圜大赤兵盛不戰太白白比狼赤比心黃比參左

肩蒼比參右肩黑比奎大星

正義比卑耳反下同比類也晉書天文志云凡五星

有色大小不同各依其行而應時節色變有類凡青比參左肩赤比心大星黃比參右肩白比狼星黑比奎大星不失本色而應其四時者吉色害其行凶也參色林反下同五星皆從太白而聚乎

一舍其下之國可以兵從天下

正義晉書天文志云凡五星所出所行所直之

辰其國為得位者歲星以德熒惑為禮鎮星有福太白兵強辰陰陽和所行所直之辰順其色而角者勝其色害者敗居實有得居虛無得也色勝位行勝色行得盡勝之居實有得也居虛無得

也索隱實謂星所合居行勝色集解晉灼曰太白行得度者勝色也正義勝音

升刺反色勝位有位勝無位有色勝無色行得盡勝之

集解晉灼曰行應天度唯有色得位行出而留桑榆間

盡勝之行重而色位輕星經得字作德疾其下國正義疾漢書作病也

上而疾未盡其日過參天集解晉灼曰三分天過其一此在戌酉之間疾其

對國集解孟康曰謂出東入西出西入東上復下下復上有反將其入月

將僂金星合光其下戰不合兵雖起而不鬪合相毀  
野有破軍出西方昏而出陰陰兵彊暮食出小弱夜半  
出中弱雞鳴出大弱是謂陰陷於陽其在東方乘明而  
出陽陽兵之彊雞鳴出小弱夜半出中弱昏出大弱是  
謂陽陷於陰太白伏也以出兵兵有殃其出卯南南勝  
北方出卯北北勝南方正在卯東國利出西北北勝南  
方出酉南南勝北方正在酉西國勝其與列星相犯小  
戰五星大戰其相犯太白出其南南國敗出其北北國

敗行疾武不行文色白五芒出蚤為月蝕晚為天矢及  
彗星將發其國出東為德舉事左之迎之吉出西為刑  
舉事右之背之吉反之皆凶太白光見景戰勝晝見而  
經天是謂爭明彊國弱小國彊女主昌亢為疏廟太白  
廟也太白大臣也其號上公其他名殷星太正營星觀  
星宮星明星大衰大澤終星大相天浩序星月緯大司  
馬位謹候此

察日辰之會以治辰星之位

索隱即正四時以治辰星之位也皇甫謐曰辰星一

名彘星或曰鉤星元命包曰北方辰星水生動物布其紀  
故辰星理四時宋均曰辰星正四時之法得與北辰同  
名也正義晉灼曰常以二月春分見奎婁五月夏至見  
東井八月秋分見角亢十一月冬至見牽牛出以辰戌  
入以丑未二旬而入晨候  
之東方夕候之西方也 曰北方水太陰之精主冬日

壬癸刑夫者罰出辰星

正義天官占云辰星北水之精  
黑帝之子宰相之祥也一名細

極一名鉤星一名孛星一名伺祠徑一百里亦偏將廷  
尉象也天文志云其日壬癸四時冬也五常智也五事  
聽也人主智虧聽失逆時  
令傷水氣則罰見辰星也 以其宿命國是正四時仲春

春分夕出郊奎婁胃東五舍為齊仲夏夏至夕出郊東

井輿鬼柳東七舍為楚仲秋秋分夕出郊角亢氐房東

四舍為漢仲冬冬至晨出郊東方與尾箕斗牽牛俱西

為中國其出入常以辰戌丑未其蚤為月蝕晚為彗星

及天矢

集解孟康曰辰星月相凌不見者則所蝕也索隱宋均云星辰與月同精月為大臣先期而出

是躁也失則當誅故月蝕者所以為災祥也辰星陰也彗亦陰陰謀未成故晚出也張晏曰彗所以除舊布新

其時宜效不效為失

正義效見也言宜見不見為失罰之也

追兵在外不

戰一時不出其時不和四時不出天下大饑其當效而

出也色白為旱黃為五穀熟赤為兵黑為水出東方大

而白有兵於外解常在東方其赤中國勝其西而赤外

國利無兵於外而赤兵起其與太白俱出東方皆赤而角外國大敗中國勝其與太白俱出西方皆赤而角外國利五星分天之中積於東方中國利積於西方外國用者利五星皆從辰星而聚於一舍其所舍之國可以法致天下辰星不出太白為客其出太白為主出而與太白不相從野雖有軍不戰出東方太白出西方若出

西方太白出東方為格野雖有兵不戰

索隱謂辰星出西方辰水也太

白出東方太白金也水生金母子不相從故野有軍不戰今母子各出一方故為格格謂不同故野雖有兵

也不戰失其時而出為當寒反溫當溫反寒當出不出是

謂擊卒兵大起其入太白中而上出破軍殺將客軍勝

下出客亡地辰星來抵太白太白不去將死正旗上出

破軍殺將客勝下出客亡地視旗所指以命破軍索隱案旗

蓋太白芒角似旌旗正義旗星名有九星言辰星上則破軍殺將客勝也其繞環太白若與

鬪大戰客勝免過太白索隱案廣雅云辰星謂之免星則辰星之别名免或作免也

間可滅劔集解蘇林曰滅音函函容也其間可容一劔索隱案蘇所說則滅字本有函音故字從咸

也小戰客勝免居太白前軍罷出太白左小戰摩太白



有數萬人戰主人吏死出太白右去三尺軍急約戰青角兵憂黑角水赤行窮兵之所終免七命曰小正辰星

天撓安周星細爽能星鈎星

素隱謂免星凡有七名命者名也小正一也辰星二

也天撓三也安周星四也細爽五也能星六也鈎星七也

其色黃而小出而易處天

下之文變而不善矣免五色青園憂白園喪赤園中不

平黑園吉赤角犯我城黃角地之爭白角號泣之聲其

出東方行四舍四十八日其數二十日而反入於東方

其出西方行四舍四十八日其數二十日而反入於西

方其一候之營室角畢箕柳出房心間地動辰星之色  
春青黃夏赤白秋青白而歲熟冬黃而不明即變其色  
其時不昌春不見大風秋則不實夏不見有六十日之  
旱月蝕秋不見有兵春則不生冬不見陰雨六十日有  
流邑夏則不長七星為員官辰星廟蠻夷星也

角亢氐兗州房心豫州尾箕幽州斗江湖牽牛婺女揚  
州虛危青州營室至東壁并州奎婁胃徐州昴畢冀州

觜鰲參益州

正義括地志云漢武帝置十三州改梁州為益州廣漢廣漢今益州谷縣是也分今

河內上黨雲中然按星經益州魏地畢東井輿鬼雍州  
背參之分今河內上黨雲中是未詳也

### 柳七星張三河翼軫荊州

兩軍相當日暈

集解如淳曰暈讀曰運

暈等力鈞厚長大有勝薄

短小無勝重抱大破無抱為和背不和為分離相去直  
為自立立侯王指暈若曰殺將負且戴有喜園在中中  
勝在外外勝青外赤中以和相去赤外青中以惡相去  
氣暈先至而後去居軍勝先至先去前利後病後至後  
去前病後利後至先去前後皆病居軍不勝見而去其

發疾雖勝無功見半日以上功大白虹屈短

集解李奇曰屈或為

尾也韋昭曰短而直

上下兌有者下大流血日暈制勝近期三十

日遠期六十日其食食所不利復生生所利而食益盡  
為主位以其直及日所宿加以日時用命其國也

月行中道安寧和平陰間多水陰事外北三尺陰星北

三尺

索隱案中道房室星之中間也房有四星若人之房三間有四表然故曰房南為陽間北為陰間則

中道房星之中間也故房是日月五星之常行道然黃道亦經房星若月行得中道故陰陽和平若行陰間多陰事陽間則人主驕恣若歷陰星陽星之南迫太陰太陽之道則有大水若兵及大旱若喪也太陽亦在陽間

之南各三尺也

太陰大水兵陽間驕恣陽星多暴獄太陽大旱

喪也

索隱太陰太陽皆道也月行近之故有水旱兵喪也

角天門十月為四月十

一月為五月十二月為六月水發近三尺遠五尺

索隱謂月

行八角與天門若十月犯之當為來年四月成災十一月則主五月也

犯四輔輔臣誅

索隱

案謂月犯房星也四輔房四星也房以輔心故曰四輔也

行南北河以陰陽言旱水

兵喪

正義南河三星北河三星若月行北河以陰則水兵南河以陽則旱喪也

月蝕歲星其

宿地饑若亡熒惑也亂填星也下犯上太白也疆國以

戰敗辰星也女亂

正義孟康云凡星八月見月中為星蝕月月掩星星滅為月蝕星也

食

大角

集解徐廣曰一云食于大角正義大角一星在兩攝提間人君之象也

主命者惡之

心則為內賊亂也列星其宿地憂

索隱謂月蝕列星二十八宿當其分地有

憂憂謂兵及喪也

月食始日五月者六六月者五五月復六六

月者一而五月者凡五百一十三月而復始

索隱始日謂歷始起

之日也依此文計唯有一百二十一月與元數甚為懸校既無太初歷術不可得而推定今以漢志三統歷法

計則五月者七六月者一又五月者一六月者五五月者一凡一百三十五月而復始耳或術家各異或傳寫

錯謬故此不同無以明知也

故月蝕常也日蝕為不臧也甲乙四海

之外日月不占

集解晉灼曰海外遠甲乙日時不以占候

丙丁江淮海岱也

戊己中州河濟也庚辛華山以西壬癸恒山以北日蝕

國君月蝕將相當之

國皇星

正義國皇星者大而赤類南極老人去地三丈如炬火見則內外有兵喪之難大而赤

集解孟康曰歲星之精散所為也

五星之精散為六十四變記不盡

狀類南極集解徐廣曰南極老

人所出其下起兵彊其衝不利

昭明星

索隱案春秋合誠圖云赤帝之精象如太白七芒釋名為筆星氣有一枝末銳似筆亦曰日華

星大而白無角乍上乍下集解孟康曰形如三足机机上九彗上向熒惑之精

所出國起兵多變

五殘星

索隱孟康云星表有青氣如暈有毛填星之精也正義五殘一名五鋒出正東東方之分野狀

類辰星去地可六七丈見則五穀毀敗之徵大臣誅亡之象

出正東東方之野其星

狀類辰星去地可六丈大

集解徐廣曰大一作六

賊星

集解孟康曰形如彗九尺太白之精正義天賊星者一名六賊出正南南方之野星去地可六丈大

而亦數動有光出則禍合天下

出正南南方之野星去地可六丈大而

赤數動有光

司危星

集解孟康曰星大而尾兩角熒惑之精也正義司危者出正西西方分野也大如太白去地

可六丈見則以天子不義失國而豪傑起

出正西西方之野星去地可六丈



大而白類太白

獄漢星

集解孟康曰青中赤表下有三星縱橫亦填星之精漢書天文志獄漢一名咸漢

出正

北北方之野星去地可六丈大而赤數動察之中青此四野星所出出非其方其下有兵衝不利

四鎮星所出四隅去地可四丈

地維咸光

正義四鎮星出四隅去地可四丈地維咸光星亦出四隅去地可三丈若月始出所見下

有亂者亡有德者昌也

亦出四隅去地可三丈若月始出所見下

有亂亂者亡有德者昌

燭星狀如太白

集解孟康曰星上有三彗上出亦填星之精

其出也不行見

則滅所燭者城邑亂

如星非星如雲非雲命曰歸邪

集解李奇曰邪音蛇孟康曰星有兩赤彗上向

上有蓋狀如氣下連星

歸邪出必有歸國者

星者金之散氣本曰火

集解孟康曰星石也

星衆國吉少則凶

漢者亦金之散氣

索隱案水生於金散氣即水氣河圖括地象曰河精為天漢也

其本

曰水漢星多水少則旱

集解孟康曰漢河漢也水生於金多少謂漢中星

其

大經也

天鼓有音如雷非雷音在地而下及地其所往者兵發其下

天狗狀如大奔星

集解孟康曰星有尾旁有短彗下有如狗形者亦太白之精

有聲

其下止地類狗所隨及炎火索隱炎音艷望之如火光炎炎

衝天其下圜如數頃田處上兌者則有黃色千里破軍殺將

格澤星者

索隱格澤一音鶴鐸又音格澤格胡客反

如炎火之狀黃白起地

而上下大上兌其見也不種而獲不有土功必有大害

蚩尤之旗

集解孟康曰熒惑之精也晉灼曰呂氏春秋曰其色黃上白下

類彗而後曲

象旗見則王者征伐四方

旬始出於北斗旁

集解徐廣曰蚩尤也旬一作營

狀如雄雞其怒青黑

象伏鬻

集解李奇曰怒當音帑晉灼曰帑雌也或曰怒色青

枉矢類大流星蛇行而倉黑望之如有毛羽然

長庚如一匹布著天

正義著音直略反

此星見兵起

星墜至地則石也

正義春秋云星隕如雨是也今吳郡西鄉見有落星石其石天下多有也

河濟之間時有墜星

天精而見景星景星者德星也其狀無常常出於有道

之國

集解孟康曰精明也有赤方氣與青方氣相連赤方中有兩黃星青方中一黃星凡三星合為景星

索隱韋昭云精謂青朗漢書作暉亦作晔郭璞注三蒼云暉雨止無雲也正義景星狀如半月主於晦朔助月

為明見則人君有德明聖之慶也

凡望雲氣

正義春秋元命包云陰陽聚為雲氣也釋名云雲猶云衆盛也氣猶飶然也有聲即無形

也仰而望之三四百里平望在桑榆上餘二千里登高

而望之下屬地者三千里雲氣有獸居上者勝

正義勝音升刺

反雲雨氣相敵也兵書云雲或如雄雞臨城有城必降

自華以南氣下黑上赤嵩

高三河之郊氣正赤恒山之北氣下黑上青勃碣海岱之間氣皆黑江淮之間氣皆白徒氣白土功氣黃車氣

乍高乍下徃徃而聚騎氣卑而布卒氣搏

集解如淳曰搏專也或曰

搏音徒端反

前卑而後高者疾前方而高後兌而卑者却其

氣平者其行徐前高而後卑者不止而反氣相遇者卑

勝高

索隱遇音偶漢書作禺

兌勝方氣來卑而循車通者

集解車通車轍

也避漢武諱故曰通

不過三四日去之五六里見氣來高七八尺

者不過五六日去之十餘二十餘里見氣來高丈餘二

丈者不過三四十日去之五六十里見稍雲精白者其將悍其士怯其大根而前絕遠者當戰青白其前低者戰勝其前赤而仰者戰不勝

陣雲如立垣杼雲類杼軸

索隱姚氏案兵書云營上雲氣如織勿與戰也

雲搏

兩端兌杓雲如繩者居前亘天

索隱劉氏杓音時酌反說文音丁了反許慎注

淮南云杓引也

其半半天其翬者類闕旗故

索隱翬音五結反亦作蜺音同

鉤

雲句曲

正義句音古侯反

諸此雲見以五色合占而澤搏定

正義

雀豹古今注云黃帝與蚩尤戰於涿鹿之野常有五色雲氣金枝玉葉止於帝上有花萼之象故因作華蓋也

京房易飛候云視四方常有火雲五色見其下  
賢人隱也青雲潤蔽日在西吐為舉賢良也

其見動

人乃有占兵必起合鬪其直王朔所候決於日旁日旁

雲氣人主象

正義洛書云有雲象人青  
衣無手在日西天子之氣

皆如其形以占

故北夷之氣如羣畜穹閭

素隱鄒氏云一作弓閭天文  
志作弓字音穹蓋謂以羶為

閭崇穹然而宋均云  
穹獸名亦異說也

南夷之氣類舟船幡旗大水處敗

軍場破國之虛下有積錢

集解徐廣曰  
古作泉字

金寶之上皆有

氣不可不察海旁娠氣象樓臺廣野氣成宮闕然雲氣

各象其山川人民所聚積

正義淮南子云土地各以類  
生人是故山氣多勇澤氣多



瘠風氣多聾林氣多變木氣多偃石氣多力險阻氣多  
壽谷氣多痺丘氣多狂廟氣多仁陵氣多貪輕土多利  
足重土多遲清小濁水音大湍水人  
重中土多聖人皆象其氣皆應其類也 故候息耗者

入國邑視封疆田疇之正治

集解如淳曰蔡邕云麻田曰疇

城郭室屋

門戶之潤澤次至車服畜產精華實息者吉虛耗者凶

若煙非煙若雲非雲郁郁紛紛蕭索輪囷是謂卿雲

正義

卿音慶卿雲見喜氣也若霧非霧

索隱霧音如字一音蒙又亡遶反爾雅云天氣

下地不應曰霧言蒙昧不明也

衣冠而不濡見則其域被甲而趨天雷

電蝦虹辟歷夜明者陽氣之動者也春夏則發秋冬則

藏故候者無不司之天開縣物

集解孟康曰謂天裂而見物象天開示縣象

地動坼絕

正義趙世家幽繆王遷五年代地動自樂徐以西北至平陰臺屋牆垣大半壞地坼東西

百三十步

山崩及徙川塞谿垓

集解徐廣曰土雍曰垓音服駟案孟康曰谿谷也垓崩也

蘇林曰

水澹澤竭地長見象城郭門閭閭臬枯橐宮廟

邸第人民所次謠俗車服觀民飲食五穀草木觀其所

屬倉府廩庫四通之路六畜禽獸所產去就魚鼈鳥鼠

觀其所處鬼哭若呼其人逢悟化言誠然

索隱悟迎也劉伯莊曰音

五故反逢悟謂相逢而驚也悟亦作迂音同化當為訛字之誤耳

凡候歲美惡謹依歲始歲始或冬至日產氣始萌臘明

日人衆卒歲一會飲食發陽氣故曰初歲正月旦王者

歲首立春日四時之卒始也

索隱謂立春日是去年四時之終卒今年之始也

四始者候之日

正義謂正月旦歲之始時之始日之始月之始故云四始言以四時之日候歲

吉凶

而漢魏鮮

集解孟康曰人姓名作占候者

集臘明正月旦決八風

風從南方來大旱西南小旱西方有兵西北戎菽為

集解

孟康曰戎菽胡豆也為成也索隱韋昭云戎菽大豆也又郭璞注爾雅亦云胡豆與孟康同

小雨

集解

徐廣曰一趣兵

索隱趣音促謂風從西北來則戎菽成而又有小雨則其國趣兵起也

北

方為中歲東北為上歲

集解韋昭曰歲大穰

東方大水東南民有

疾疫歲惡故八風各與其衝對課多者為勝多勝少久

勝亟疾勝徐旦至食為麥食至日昃為稷昃至舖為黍

舖至下舖為菽下舖至日入為麻欲終日有雨有雲有

風有日

正義正月旦欲其終一日有風有日則一歲之中五穀豐熟無災害也

當其時者

深而多實無雲有風日當其時淺而多實有雲風無日

當其時深而少實有日無雲不風當其時者稼有敗如

食頃小敗熟五斗米頃大敗風復起有雲其稼復起各

以其時用雲色占種其所宜其雨雪若寒歲惡是日光

明聽都邑人民之聲聲宮則歲善吉商則有兵徵旱羽

水角歲惡或從正月旦比數兩

素隱比音鼻律反數音疎舉反謂以比數日以

候一歲之雨以知豐穰也

率日食一升至七升而極

集解孟康曰月一日雨民有一

升之食二日雨民有二升之食如此至七日

過之不占數至十二日日直其

月占水旱

集解孟康曰月一日雨正月水

為其環城千里內占則其為

天下候竟正月

集解孟康曰月三十日周天歷二十八宿然後可占天下正義按月列宿日風

雲有變占其國并太歲所在則知其歲豐稔

水旱饑饉也

月所離列宿

素隱韋昭云離歷也日

風雲占其國然必察太歲所在在金穰水毀木饑火旱此其大經也正月上甲風從東方宜蠶風從西方若旦

黃雲惡冬至短極縣土炭

集解孟康曰先冬至三日縣土炭於衡兩端輕重適均冬

至日陽氣至則炭重夏至日陰氣至則土重晉灼曰蔡邕律歷記候鐘律權土炭冬至陽氣應黃鐘通土炭輕而衡仰夏至陰氣應蕤賓通土炭重而衡低進退先後五日之中炭動鹿解角蘭根出

泉水躍略以知日至要決晷景歲星所在五穀逢昌其

對為衝歲乃有殃

正義言晷景歲星行不失次則無災異五穀逢其昌盛若晷景歲星行而

失舍有所衝則歲乃有殃禍災變也

太史公曰自初生民以來世主曷嘗不歷日月星辰及

至五家

索隱案謂五紀歲月日星辰歷數各有一家顓學習之故曰五家也

三代

正義五家黃帝

高陽高辛唐虞堯舜也三代夏殷周也言生民以來何曾不歷日月星辰及至五帝三王亦於紹繼而明天數

陰陽

也紹而明之內冠帶外夷狄分中國為十有二州仰

則觀象於天俯則法類於地天則有日月地則有陰陽  
天有五星地有五行天則有列宿地則有州域三光者  
陰陽之精氣本在地而聖人統理之幽厲以往尚矣所  
見天變皆國殊窟穴家占物怪以合時應其文圖籍機

祥不法

正義禊音機顧野王云禊祥吉凶之先見也按自古以來所見天變國皆異具所說不同及家

占物怪用合時應者書其文并圖籍凶吉並不可法則故孔子論六經記異事而說其所應不書變見之蹤也

是以孔子論六經紀異而說不書至天道命不傳傳其

人不待告

正義待須也言天道性命忽有志事可傳授之則傳其大指微妙自在天性不須深告語

也告非其人雖言不著

正義著作慮反著明也言天道性命告非其人雖為言說不得

著明微妙曉其意也

昔之傳天數者高辛之前重黎

正義左傳云蔡墨曰少昊

氏之子曰黎為火正號祝融即火行之官知天數

於唐虞義和

正義義氏和氏掌天地四時之

官有夏昆吾

正義昆吾陸終之子虞翻云昆吾名樊為己姓封昆吾世本云昆吾衛是也

殷



商巫咸

正義巫咸殷賢臣也本吳人冢在蘇州常熟海禺山上子賢亦在此也

周室史佚

萇弘

正義史佚周武王時太史尹佚也萇弘周靈王時大夫也

於宋子韋鄭則裨竈

正義裨竈鄭大夫也

在齊甘公

集解徐廣曰或曰甘公名德也本是魯人正義七錄云楚人戰國時

作天文星占八卷

楚唐昧

正義莫葛反

趙尹臯魏石申

正義七錄云石申魏人戰

國時作天文八卷也

夫天運三十歲一小變百年中變五百載大

變三大變一紀三紀而大備此其大數也為國者必貴

三五

索隱三五謂三十歲一小變五百歲一大變

上下各千歲然後天人之

際續備太史公推古天變未有可考于今者蓋略以春

秋二百四十二年之間

正義謂從隱公元年至哀公十四年獲麟也隱公十一年桓公十

十八年莊公三十一年閔公二年僖公三十三年文公十八年宣公十八年成公十八年襄公三十一年昭公

三十二年定公十五年哀公十四年凡二百四十二年也 日蝕三十六 正義謂隱公三年二月乙

巳桓公三年七月壬辰朔十七年十月朔莊公十八年三月朔二十五年六月辛未朔二十六年十二月癸亥

朔三十年九月庚午朔僖公五年九月戊申朔十二年三月庚午朔十五年五月朔文公元年二月癸亥朔十

五年六月辛卯朔宣公八年七月庚子朔十年四月丙辰朔十七年六月癸卯朔成公十六年六月丙辰朔十

七年七月丁巳朔襄公十四年二月乙未朔十五年八月丁巳朔二十年十月丙辰朔二十一年九月庚戌朔

十月庚辰朔二十三年二月癸酉朔二十四年七月甲子朔八月癸巳朔二十七年十二月乙亥朔昭公七年

四月甲辰朔十五年六月丁巳朔十七年六月甲戌朔  
二十一年七月壬午朔二十二年十二月癸酉朔二十

四年五月乙未朔三十年十二月辛亥朔定公五年三  
月辛亥朔十二年十一月丙寅朔十五年八月庚辰朔

凡蝕三  
十六也  
**彗星三見**  
正義謂文公十四年七月有星入于  
北斗昭公十七年冬有星孛于大辰

哀公十三年有  
星孛于東方  
**宋襄公時星隕如雨**  
正義謂僖公十五年正月戊申朔隕

石于宋  
五也  
**天子微諸侯力政**  
集解徐廣曰一作征  
**五伯代興**  
正義趙岐注孟

子云齊桓晉文秦  
穆宋襄楚莊也  
**更為主命自是之後眾暴寡大并小**

**秦楚吳越夷狄也為疆伯**  
正義秦祖非子初邑於秦地  
在西戎楚子鬻熊始封丹陽

荆蠻吳太伯居吳周章因封吳號勾吳越祖少康之子  
初封於越以守禹祀地稱東越皆戎狄之地故言夷狄

也後秦穆楚莊吳闔閭越勾踐皆得封為伯也

田氏篡齊

正義周安王二十三年康公卒田和并齊

而立為齊侯

三家分晉

正義周安王二十六年魏武侯韓文侯趙敬侯共滅晉靜而三分其地

並為戰國爭於攻取兵革更起城邑數屠因以饑饉疾

疫焦苦臣主共憂患其察機祥侯星氣尤急近世十二

諸侯七國相王

正義王于放反謂漢孝景帝三年吳王濞楚王戊趙王遂濟南王辟光淄川王

賢膠東王雄渠也

言從衡者繼踵而臯唐甘石因時務論其書

傳故其占驗凌雜米鹽

正義凌雜交亂也米鹽細碎也言臯唐甘石等因時務論其書

傳中災異所記錄者故其占驗交亂細碎其語在漢書五行志中也

二十八舍主十二州

正義二十八舍謂東方角亢氐房心尾箕北方斗牛女  
虛危室壁西方奎婁胃昂畢觜參南方井鬼柳星張翼  
軫星經云角亢鄭之分野兗州氐房心宋之分野豫州  
尾箕燕之分野幽州南斗牽牛吳越之分野揚州須女  
虛齊之分野青州危室壁衛之分野并州奎婁魯之分  
野徐州胃昂趙之分野冀州畢觜參魏之分野益州東  
井輿鬼秦之分野雍州柳星張周之

斗兼兼之

正義言北斗所

建東十二辰兼十二州二十  
八宿自古所用從來久遠矣  
所從來久矣秦之疆也候

在太白占於狼弧

正義太白狼弧皆西方之星故秦占候也

吳楚之疆候在

熒惑占於鳥衡

正義熒惑鳥衡皆南方之星故吳楚之占候也鳥衡柳星也一本作注張也

燕齊之疆候在辰星占於虛危

正義辰星虛危皆北方之星故燕齊占候也

宋鄭之疆侯在歲星占於房心

正義歲星房心皆東方之星故宋鄭占侯也

晉之疆亦侯在辰星占於參罰

正義辰星參罰皆北方之星故晉占侯也

及秦并吞三晉燕代自河山以南者中國

正義河黃河也山華山也

從華山及黃河以南為中國也

中國於四海內則在東南為陽

正義爾雅云九

夷八狄七戎六蠻謂之四海之內中國從河山東南為陽也

陽則日歲星熒惑填星

正義日人質反填音鎮日陽也歲星屬東方熒惑屬南方填星屬中央皆在南及東為陽也

占於街

南畢主之

正義天街二星主畢昴主國界也街南為華夏之國街北為夷狄之國則畢星主陽也

其西北則胡貉月氏諸衣旃裘引弓之民為陰

正義格音陌氏

音支從河山西北  
及秦晉為陰也  
陰則月太白辰星  
正義月陰也太白屬西方辰星屬北

方皆在北及  
西為陰也  
占於街北昴主之  
正義天街星北為夷狄之國則昴星主之陰也

故中國山川東北流其維首在隴蜀  
正義言中國山及川東北流行若南

山首在崑崙葱嶺東北行連隴山至南山華山渡河東  
北盡碣石山黃河首起崑崙山渭水岷江發源出隴山

皆東北東  
入渤海也  
尾没于勃碣是以秦晉好用兵  
集解韋昭曰秦晉西南維

之北為陰猶與胡貉引  
弓之民同故好用兵  
復占太白太白主中國而胡貉

數侵掠  
正義主猶領也八也星經云太白在北月在南中國敗太白在南月在北中國不敗也是狐貉

數侵掠  
之也  
獨占辰星辰星出入躁疾常主夷狄其大經也

此更為客主人

正義更格行反下同星經云辰星不出太白為客辰星出太白為主人辰星太

白不相從雖有軍不戰辰星出東方太白出西方若辰星出西方太白出東方為格野雖有兵不戰合宿乃戰辰星入太白中五日及入而上出破熒惑為宇外則理

軍殺將客勝不出客亡地視旗所指

兵內則理政故曰雖有明天子必視熒惑所在

索隱此案春秋

緯文耀鉤故云故曰也

諸侯更疆時菑異記無可錄者秦始皇之

時十五年彗星四見久者八十日長或竟天其後秦遂

以兵滅六王并中國外攘四夷死人如亂麻因以張楚

並起三十年之間

正義謂從秦始皇十六年起兵滅韓至漢高祖五年滅項羽則三十六年



矣  
兵相駘藉集解蘇林曰駘音臺登躡也不可勝數自蚩尤以來未

嘗若斯也項羽救鉅鹿枉矢西流山東遂合從諸侯西

坑秦人誅屠咸陽漢之興五星聚于東井平城之圍索隱

漢高祖月暈參畢七重索隱天文志其占者畢昴間天之七年

為匈奴參為趙畢為邊兵是歲高祖自將兵擊匈奴至平城為冒頓所圍七日乃解則天象有若符契七重者

主七日也諸呂作亂日食晝晦吳楚七國叛逆彗星數丈天

狗過梁野及兵起遂伏尸流血其下元光元狩蚩尤之

旗再見長則半天其後京師師四出正義元光元年太中大夫衛青等伐

匈奴元狩二年冠軍侯霍去病等擊胡元鼎五年衛尉路博德等破南越及韓說破東越并破西南夷開十餘郡元封元年樓船將軍楊僕擊朝鮮

誅夷狄者數十年而伐胡尤甚越之

亡熒惑守斗

正義南斗為吳越之分野朝鮮之拔星芾于河戒

索隱芾音

佩即孛星也天文志武帝元封之中星孛于河戒其占曰南戒為越門北戒為胡門其後漢兵擊拔朝鮮以為樂浪玄菟郡朝鮮在海中越之象居北方胡之域也其河戒即南河北河也兵征大宛星芾

招搖

正義招搖一星次北斗杓端主胡兵也占角變則兵革大行

此其犖犖大者

索隱

犖音力卓反犖犖事之分明也

若至委曲小變不可勝道由是觀之未

有不先形見而應隨之者也夫自漢之為天數者星則

唐都氣則王朔占歲則魏鮮故甘石歷五星法唯獨熒

惑有反逆行逆行所守及他星逆行日月薄蝕

集解孟康曰日

月無光曰薄京房易傳曰日赤黃為薄或曰不交而蝕曰薄韋昭曰氣往迫之為薄虧毀為蝕皆以為

占余觀史記考行事百年之中五星無出而不反逆行

反逆行嘗盛大而變色日月薄蝕行南北有時此其大

度也故紫宮

正義中宮也

房心

正義東宮也

權衡

正義南宮也

咸池

正義

西宮也

虛危

正義北宮也

列宿部星

正義五宮列宿部內之星也

此天之五

官坐位也為經不移徙大小有差闊狹有常

集解孟康曰闊狹若

三台星相  
去遠近

水火金木填星

集解徐廣曰木火土三  
星若合是謂驚立絕行

此五

星者天之五佐

正義言水火金木土  
五星佐天行德也

為經緯

正義五星  
行南北為

經東西  
為緯也

見伏有時所過行贏縮有度日變脩德月變省

刑星變結和凡天變過度乃占國君彊大有德者昌弱

小飾詐者亡大上修德其次修政其次修救其次修禳

正下無之夫常星之變希見而三光之占亟用日月暈

適

集解徐廣曰適者災變咎徵也李斐曰適見災于天  
劉向以為日月蝕及星逆行非太平之常自周衰以

來人事亂故天文應之遂變耳駙案孟康曰  
暈日旁氣也適日之將食先有黑氣之變雲風此天

之客氣其發見亦有大運然其與政事俯仰最近大人

之符此五者天之感動為天數者必通三五

索隱三謂三辰五謂

五星終始古今深觀時變察其精粗則天官備矣

蒼帝行德天門為之開

索隱謂王者行春令布德澤被天下則上應靈威仰之帝而天

門為之開以發德化也天門即左右角間也正義為於偽反下同蒼帝東方靈威仰之帝也春萬物開發東作起則天發其德化天門為之開也

赤帝行德天牢為之空

索隱謂王者行德以應火精之帝謂舉犬禮封諸侯之地則是

赤帝行德夏陽主舒散故天牢為之空則人主當赦過宥罪者也正義赤帝南方赤熒怒之帝也夏萬物茂盛

功作大興則天施德惠天牢為之空虛也天牢六星  
在北斗魁下不對中台主秉禁暴亦貴人之牢也

黃帝行德天矢為之起

正義黃帝中央含樞紐之帝季夏萬物盛大則當大赦含養羣

也品風從西北來必以庚辛一秋中五至大赦三至小赦

白帝行德以正月二十日二十一日月暈圍常大赦載

謂有太陽也一曰白帝行德

索隱一曰二曰謂占星之家異說太史公兼記之耳

畢昴為之圍

正義白帝西方白招矩之帝也秋萬物咸成則暈圍畢昴三暮帝德乃成也

圍

三暮德乃成不三暮及圍不合德不成二曰以辰圍不

出其旬

黑帝行德天關為之動

正義黑帝北方協光紀之帝也冬萬物閉藏為之動為之開閉

也天關一星在五車南畢西北為天門日月五星所道主邊事亦為限隔內外障絕往來禁道之作違者占芒角有兵起五星守之主貴人多死也

天行德天子更立年

索隱案天謂北極紫微宮言王者當天心則北辰有光輝是行德也

若北辰有光輝則天子更立年也

不德風雨破石三能三衡者天廷也


客星出天廷有奇令

索隱上云南宮朱鳥權衡衡太微三光之廷則三衡者即太微也其

謂之三者日月五星也然斗星第六第五亦名衡又參三星亦名衡然並不為天廷正義晉書天文志云三台主開德宣符也所以和陰陽而理萬物也三衡者北斗魁四星為璇璣杓三星為玉衡人君之象號令主也又

太微天子宮庭也太微為衡衡主平也為天庭理法平  
辭理也按言三台三衡者皆天帝之庭號令舒散平理  
也故言三台三衡言若有客星出  
三台三衡之廷必有奇異教令也

索隱述贊曰在天成象有同影響觀文察變其來自  
往天官既書太史攸掌雲物必記星辰可仰盈縮匪  
慙應驗無爽至哉  
玄監云誰欲網



史記卷二十七



史記卷二十七考證

天官書正義張衡云○此係晉書天文志所載張衡之語而正義引之監本有五列焉句有訛作育又日月運行歷示吉凶五緯纏度用告禍福四句脫去歷示吉凶五緯纏度八字今俱添改

中宮天極星索隱宣氣立精○宣監本訛作宮今改正旁三星三公或曰子屬正義主變出陰陽佐機務○出字疑化字之誤

後宮之屬也索隱辰極橫后妃四星端○端一本作從

臣照按從即縱對橫而言端即端直也端與從未審

孰是姑仍監本之舊

隋北端兌○臣照按北之當為比端之當為端兌之當

為銳索隱詳之矣唯隋字但云音他果反而未申其

義蓋隋即橢橢比者斜相連也端直也端銳者直而

尖也古字通用者多加以傳寫之訛遂不可曉

或曰天一正義主王者即位令諸立赤子而傳國位者

○考星經應作主王者即位及諸立太子而傳國位者

絕漢抵營室曰閣道索隱又按樂汁圖徵云○樂汁圖徵緯書也監本脫徵字今添

以齊七政索隱春秋運斗樞云○樞監本訛作極今改正

又徐整長歷云○監本脫徐字今添

魁枕參首正義○臣照按張守節此條蓋引用天文志

參合星經為之歲久傳訛舛錯殊甚至不可讀今依

晉書改正而書其原文如左

正義枕之禁反衡斗衡也魁斗第一星也言北

方斗斗衡直當北之魁枕於參星之道北斗之杓連於龍角南斗六星為天廟丞相太宰之位主薦賢良授爵祿又主兵天機南二星魁天梁中央一星天相北二星天府庭也占斗星盛明王道和平爵祿行不然反是參主斬刈又為天獄主殺罰其中三星橫列者三將軍東主後將軍西南曰右足主偏將軍故軒轅氏占之以北曰左肩主左將軍西北曰右肩主右將軍東南曰左足應七將也中央三小星曰伐天之都尉也主戎狄之國不欲明若芒角張明與參等大臣謀亂兵起夷狄內戰七將皆明天下主兵振王道缺參失色軍散敗動搖邊候有急參左足入玉井中及金火守皆為起兵

斗為帝車索隱言是大帝乘車巡狩○監本脫言字今  
添

五曰司中索隱司中主左理也○左理一本作大理  
貴人之牢索隱樂汁圖徵曰○監本脫徵字今添

又天理貴人牢○監本作天寶理貴人牢寶字衍今  
刪

輔星明近正義排賢用佞○監本訛作用賢排佞今改  
正

杓端有兩星集解更河三星○查晉書更作梗今依晉

書改正

虛則開出索隱詩汜歷樞云○汜監本訛作紀今改正

又正義九星悉見則獄事繁○九監本訛作占今改

正

又視其大小大有大赦○視監本訛作見今改正

旁有兩星曰鈴○鈴監本訛作衿今改正

又索隱鈴音其炎反○監本脫鈴字今添

北一星曰牽正義占不居其所則宮門不禁居則反是也○監本作占一反不居其所衍一反二字今刪又則津梁不通宮門不禁今查津梁不通四字係下文東北曲十二星曰旗注文重出於此今亦刪

故曰攝提格正義色溫溫不明而大者人君吉○吉監本訛作恐今改正

氏為天根主疫索隱氏四星為路寢○路監本訛作露今改正

又正義房心三星為火○火監本訛作灾今改正  
尾為九子正義次三星夫人次九嬪末為妾○監本訛  
作次三星並為次九嬪末二星為妾今改正

火犯守角則有戰房心王者惡之也正義熒惑犯守箕  
尾氏星自生芒角則有戰陣之事若熒惑守房心及  
房心自生芒角則王者惡之也○臣照按正義以角

為芒角之角竊謂馬遷之意指角宿而言謂熒惑犯  
角星或守角星當有戰鬪若犯房心或守房心則災



及人君也考之星占亦復如是

權衡正義太微之廷也○微監本訛作尾今改正

門內六星諸侯正義諸侯五星在東井東北近北河主

刺舉戒不虞○臣照按舊本作東井在北河主判舉

東井北河兩星名又相離甚遠定有訛舛今據宋史

及星經知在東井東北近北河也判舉宋史作刺舉

今並改正

其內五星五帝坐○監本正義遺羣下從謀也五字今

據本書補

又白招矩○招字監本誤作昭以其所犯命之命字  
監本誤作名今俱改正

權軒轅軒轅黃龍體前大星女主象旁小星御者後宮  
屬正義次北一星夫人也○監本脫一字又脫右一  
星大民太后宗也九字又脫后族二字今據宋史天  
文志補

其西曲星曰鉞正義與鬼五星一星為質○監本誤作

輿鬼四星為質一星今改正

又占不欲明明與井齊或搖動則天子用鉞于大臣

○監本少一明字今添

鉞北北河南南河正義南北置而為戒南河南戒一曰  
陽門亦曰越門北河北戒一曰陰門亦為胡門○監  
本脫南河南戒四字今添

中白者為質正義輿鬼五星主祠事天目也○監本五  
訛作四目訛作田今俱改正

又欲其習習不明○監本訛作欲其没不明今改正  
禍成并集解火入之一星居其旁天子且以火敗○火  
入之監本脫之字今添又一星疑應作客星

誅成質○

臣照

按本書云白者為質此云誅成質晉書

天文志云鬼中一星名鈇鑽蓋質即鑽也古字少後  
人多加偏旁以分之遂疑為兩字耳

柳為鳥注正義星七星○七監本訛作一今改正

翼為羽翮○翮監本訛作融今改正

又正義翼二十二星○監本訛作二十星今改正

軫為車主風正義辰星守之徐泗有戮者○監本作徐  
泗有戮之者之字衍今去

星星不欲明明與四星等若五星入軫星中兵大起○

漢書天文志同

臣照

按上星字應作轄星星不欲明

句不成文理且五星入軫即五星聚軫矣乃大吉也

若五星不拘何星入軫則無歲無之又安得兵大起  
考晉書天文志乃知上星字為轄字之誤蓋軫四星

旁有轄星若轄星明與四星等即入軫中而視之若  
五星矣斯兵大起也索隱注宋均云五星主行使行  
使動兵車亦動也五星五字亦應作轄轄同主行使  
也

軫南衆星曰天庫○監本有正義注天庫一星主太白  
秦也在五星中十三字查係下文五帝車舍正義文  
重出在此今刪

西宮咸池索隱文耀鉤云○耀鉤監本訛作躍鉤今改

正

五帝車舍索隱吐秀舍實主秋成○監本訛作舍秀舍

實主秋垂今改正

又正義次東北曰天獄○曰監本訛作星今改正

又其國絕食兵且起○且監本訛作見今改正

又三柱出外兵出柱入兵入柱出一月米貴三倍期

二年○監本訛作三柱入出一月米貴三倍今改正

又柱倒立尤甚○監本訛柱王尤其今改正

奎曰封豕主溝瀆正義人主爽德○監本訛作臣主其德今改正

又熒惑星守之○守監本訛作主今改正

其南衆星曰詹積集解芻藁積為詹也正義芻藁六星○藁監本俱訛作蒿今改正

昴曰髦頭正義昴七星○七監本訛作一今改正

畢曰罕車為邊兵正義主四夷之尉也○監本脫主字

今添



昴畢間為天街正義土金守胡兵八也○土一本作火  
主葆旅事正義葆旅野生之可食者○者監本訛作也

今改正

又國易政○政監訛作正今改正

其南有四星曰天廁正義天廁四星在屏東○監本脫  
東字今據宋史天文志添

其東有大星曰狼狼角變色多盜賊正義金火守亦如  
之○舊本作金木火守亦如之臣照按星占木為德

星守則為休祥木字乃衍文也今刪

危為蓋屋○屋監本訛作室今改

又正義危為蓋屋蓋屋自有星恐文誤也○監本少  
下蓋屋二字今添

虛為哭泣之事索隱姚氏按荊州占以為其宿二星南  
星主哭泣虛中六星不欲明明則有大喪也○臣照

按星圖虛南二星為哭哭東二星為泣荊州占既云  
虛中六星則是合哭泣四星言之矣又以為其宿二

星南星主哭泣文必有誤

其南有衆星曰羽林天軍正義羽林四十五星○監本  
作三十五星伏查晉書天文志及步天歌皆作四十  
五星今改正

又正義天軍也亦天宿衛主兵革不見天下亂○監  
本訛作亦天宿衛之兵革出今改正

軍西為壘或曰鉞正義占五星入皆兵起○監本作占  
之非故兵起語不可解今據晉書天文志改五星入

皆兵起

營室為清廟○

臣照

按二十八宿列于天官書五宮者

唯二十七壁不與焉爾雅亦同至分野則曰營室至東壁并州較他宿亦多一至字殆室壁本一星若曰室之壁云爾

旁一星曰王良正義金火守八皆兵之憂也○監本訛作皆其之憂也今改正

牽牛為犧牲○正義二星主關梁下脫次三星主南越

六字今據宋史天文志添

其北河鼓索隱孫炎云河鼓之旗十二星○臣照按星

圖河鼓左右旗各九星

失者罰出歲星正義歲星盈縮以其舍命國所在之國  
不可伐○監本脫以其舍命國五字今添

以十月與角亢晨出曰大章集解徐廣曰一曰天皇索  
隱天文志亦作天皇○監本天皇俱訛作大星今改

正

長二丈類彗○監本訛作類彗星今改正

熒惑熒惑為勃亂殘賊疾喪饑兵○臣照按熒惑熒惑

句似複出熒惑二字

又正義天官占云○占監本訛作志今改

五星皆從而聚于一舍正義四星若合是為太陽○太

陽監本誤作大王今據晉書天文志改

謹候此○此三字應在熒惑章下舊本刊於填星章首

今改正下太白章謹候此三字亦同

大饑戰敗為北軍軍困○臣照按正義曰為北軍北也

凡軍敗曰北然則張守節時尚無戰敗為北軍之文也惟無戰敗之字故張守節解此北字曰敗若本文有之則不應為此解也疑原文係大饑戰為北困六字傳寫訛謬將注混入耳

曰西方秋司兵月行及天矢正義星是古歷星若竹筭牆星據星白翟○臣照按正義此文皆隱括晉書天

文志為之其數妖星名尚少三星一曰若星一曰帝

星一曰若彗然則星是古歷星若六字乃若星帚星  
若彗之訛也

為八歲二百三十日○八監本訛作百今改正

可以兵從天下正義晉書天文志○監本脫字甚多至  
不可解今以晉書天文志本文改正

出而留桑榆間集解凡望雲氣平望在桑榆上者○監  
本訛作正出氣平正出桑榆上者今改正

當出不出是謂擊卒○擊監本訛作繫今改正



正旗上出正義旗星名有九星言辰星上則破軍殺將  
客勝也○辰星上句疑有脫字當作辰星出其上

間可槭劔○監本有正義漢書云辰星過太白間太白  
可槭劔明廣雅是也略無文理定係傳訛今刪

七星為員官辰星廟蠻夷星也○按此三句當在夏則  
不長之下舊錯簡在翼軫荊州下今改正

居軍不勝○軍監本訛作暈今改正

見半日以上功大○大監本作太連下白字為太白遂

不可解今改正

行南北河以陰陽言旱水兵喪正義若月行北河以陰則水兵南河以陽則旱喪也○監本訛作自行北河以陰則南河以陽則水旱兵喪也今改正

其星狀類辰星去地可六丈大集解徐廣曰大一作六

○臣照按大下疑有脫字漢書天文志云五殘星大

而黃下賊星大而赤司危星大而白獄漢星大而赤可證徐廣一作六之說非也

星者金之散氣本曰火集解孟康曰星石也○監本訛作星名也今改正

其翬者類闕旗故○臣照按監本將索隱文刻于闕旗之下遂使故字連下句乍讀不覺細味之故鈎雲句曲故字作何解耶類闕旗故斷句盖言杓雲之翬者如闕旗而又色敝敗也

而澤搏宓其見動人乃有占○臣照按宓字不可解盖宓字也缺其下半傳寫至今

天開縣物○臣照按此節文多訛謬不可強解

四始者候之日正義謂正月旦歲之始時之始日之始月之始故云四始言以四時之日候歲吉凶也○臣

照按四始本書明指冬至臘明元旦立春四日言正義專以正月旦言又不著所本殊不可憑且謂以四時之日候歲吉凶更不可解

史記卷二十七考證

欽定四庫全書

史部

史記卷三十八至

詳校官侍讀學士臣陸伯焜

洗馬臣王坦修覆勘

覆校官中書臣陳林

校對官中書臣孫希旦

謄錄監生臣王增賢

謄錄監生臣黃嘉績

欽定四庫全書

史記卷二十八

漢太史

令司馬遷撰

宋中郎外兵曹參軍裴駟集解

唐國子博士弘文館學士司馬貞索隱

唐諸王侍讀率府長史張守節正義

封禪書第六

正義泰山上堊土為壇以祭天報天之功故曰  
封泰山下小山除地報地之功故曰禪言禪

者神之也白虎通云或曰封者金銀繩或曰古泥金繩封之印璽也五經通義云易姓而王致太平必封泰山禪梁父荷天命以為王使理羣生告太平於天報羣神之功

自古受命帝王曷嘗不封禪盖有無其應而用事者矣未有睹符瑞見而不臻乎泰山者也雖受命而功不至矣而德不洽洽矣而日有不暇給是以即事用希傳曰三年不為禮禮必廢三年不為樂樂必壞每世之隆則封禪答焉及衰而息厥曠遠者千有餘載近者數百載故其儀闕然堙滅其詳不可得而記聞云尚書曰舜

在璇璣玉衡以齊七政遂類于上帝禋于六宗望山川

徧羣神輯五瑞擇吉月日見四岳諸牧還瑞

集解徐廣曰還一作

班歲二月東巡狩至于岱宗岱宗泰山也

正義括地志云泰山一曰

岱宗東嶽也在兗州博城縣西北三十里周禮云兗州鎮曰岱宗

柴望秩于山川遂覲

東后東后者諸侯也合時月正日同律度量衡脩五禮

五玉三帛二生一死贄五月巡狩至南岳南岳衡山也

正義括地志云衡山一名岫嶁山在衡州湘潭縣西四十一里

八月巡狩至西岳西岳

華山也

正義括地志云華山在華州華陰縣南八里古文以為敦物周禮云豫州鎮曰華山十一



月巡狩至北岳北岳恒山也

正義括地志云恒山在定州恒陽縣西北百四十里

周禮云并州鎮曰恒山

皆如岱宗之禮中岳嵩高也

索隱獨不言至者蓋以天

子所都也正義括地志云嵩山亦名太室亦名外方也在洛州陽城縣西北二十三里

五載一巡

狩禹遵之後十四世至帝孔甲淫德好神神瀆二龍去

之

索隱如淳案國語二龍祭于夏庭是也

其後三世湯伐桀欲遷夏社不

可作夏社後八世至帝太戊有桑穀生於廷一幕大拱

懼伊陟

集解徐廣曰陟古作敎

曰妖不勝德太戊脩德桑穀死伊

陟贊巫咸巫咸之興自此始

索隱尚書伊陟贊于巫咸孔安國云贊告也巫咸臣

名今此云巫咸之興自此始則以巫咸為巫覡然楚詞亦以巫咸主神蓋太史以巫咸是殷臣以巫接神事太戊使禳桑穀之災所以伊陟贊後十四世帝武丁得巫咸故云巫咸之興自此始也

傳說為相殷復興焉稱高宗有雉

集解徐廣曰一作鷓音嬌

登鼎耳

雖武丁懼祖已曰脩德武丁從之位以永寧後五世帝

武乙慢神而震死

索隱謂武乙射天後獵于河渭而震死也

後三世帝紂淫

亂武王伐之由此觀之始未嘗不肅祗後稍怠慢也周

官曰冬日至祀天於南郊迎長日之至夏日至祭地祗

皆用樂舞而神乃可得而禮也天子祭天下名山大川

五岳視三公四瀆視諸侯諸侯祭其疆內名山大川四

瀆者江河淮濟也天子曰明堂辟雍

集解韋昭曰水外四周圓如辟雍蓋

以節觀者也

諸侯曰泮宮

集解張晏曰制度半於天子之辟雍索隱服虔云天子水匝為辟雍

諸侯水不匝至半為泮宮禮統又云半有水而半有宮是也

周公既相成王郊祀后

稷以配天

集解王肅曰配天於南郊祀之

宗祀文王於明堂以配上帝

集解鄭元曰上帝者天之別名也神無二主故異其處避后稷也

自禹興而脩社祀后

稷稼穡故有稷祠郊社所從來尚矣自周克殷後十四

世世益衰禮樂廢諸侯恣行而幽王為犬戎所敗

集解徐廣

曰犬一作畷 周東徙維邑秦襄公攻戎救周始列為諸侯正義

秦襄公周平王元年封也 秦襄公既侯居西垂正義漢隴西郡西縣也今在秦州上邽縣

西南九十里也 自以為主少皞之神作西時祠白帝其牲用駟

駒黃牛羝羊各一云索隱毛詩傳云赤馬黑鬣曰駟也羝牡羊其後十六年

秦文公東獵汧渭之間卜居之而吉索隱地理志汧水出汧縣西北入渭

皇甫謐云文公徙都汧也正義括地志云郿縣故城在岐州郿縣東北十五里即此城也文公夢黃

虵自天下屬地其口止於廊行集解李奇曰廊音孚山阪曰行索隱廊地名後

為縣屬馮翊行者鄭眾註周禮云下平文公問史敦敦

曰行又李奇云三輔謂山陵間為行也

曰此上帝之徵君其祠之於是作廊時用三牲郊祭白

帝焉自未作廊時也而雍旁故有吳陽武時

集解李奇曰於旁有

吳陽也

雍東有好時皆廢無祠或曰自古以雍州積高神

明之隕故立時郊上帝諸神祠皆聚云蓋黃帝時嘗用

事雖晚周亦郊焉其語不經見措紳者不道

集解李奇曰措插也

插笏於紳紳大帶素隱姚氏云措當作緝鄭衆註周禮

云措讀曰薦謂垂之於紳帶之間今案鄭意以措為薦

則薦亦是進進而置於紳帶之間故史記亦多作薦字也

作廊時後九年文公獲若

石云于陳倉北阪城祠之

集解蘇林曰質如石也服虔曰在北或曰在陳倉北索隱

云語辭也正義三秦記云太白山西有陳倉山山有石雞與山雞不別趙高燒山山雞飛去而石雞不去晨鳴山頭聲聞三里或言是玉雞括地志云陳倉山在岐州陳倉縣南又云寶雞神祠在漢陳倉縣故城中今陳倉縣東石雞在陳倉山上祠在陳倉城故言獲若石于陳倉北阪城祠之其神或歲不至或

歲數來來也常以夜光輝若流星從東南來集于祠城

則若雄雞其聲殷云野雞夜雉

集解如淳曰野雞雉也呂后名雉故曰野雞瓚

曰殷聲也云足向之辭

以一牢祠命曰陳寶

集解瓚曰陳倉縣有寶夫人祠或一歲二

歲與葉君合葉神來時天為之殷殷雷鳴雉為雉在長安正西五百里韋昭曰在陳倉縣寶而祠之故曰陳寶索隱列異傳云陳倉人得異物以獻之道遇二童子云此名為媚在地下食死人腦媚乃言彼二童子名陳寶

得雄者王得雌者霸乃逐童子化為雉秦穆公大獵果獲其雌為立祠祭有光雷電之聲雄止南陽有赤光長十餘丈未入陳倉祠中所以代俗謂之竇夫人祠抑有由也葉縣名在南陽葉君即雄雉之神故時與竇夫人神合

飲馬於河遂都雍雍之諸祠自此興用三百牢於廊時

索隱秦本紀德公元年以犧三百祠廊時今案百當為

白秦君西祀少昊姓尚白牢秦諸侯也雖奢侈僭祭郊

本特牲不可用三百

牢以祭天蓋字誤 作伏祠 索隱服虔云周時無伏秦始作之漢舊儀云伏者萬

鬼行故閉晝日不干求也東觀漢記和帝初令伏閉晝

日是也又歷忌釋曰伏者何金氣伏藏之名四時代謝

皆以相生而春木代水水生木也夏火代木木生火也

冬水代金金生水也至秋則以金代火金畏於火故凡

至庚日必伏  
磔狗邑四門以禦蠱苗  
索隱案樂彥云左傳皿蟲為蠱臬磔

之鬼亦為蠱故月令云大雩旁磔註云磔攘也厲鬼亦為蠱將出害人旁磔於四方之門故此亦磔狗邑四門

也風俗通云殺犬磔攘也德公立二年卒其後六年秦宣公作密時

於渭南祭青帝其後十四年秦繆公立病卧五日不寤

寤乃言夢見上帝上帝命繆公平晉亂史書而記藏之

府而後世皆曰秦繆公上天秦繆公即位九年齊桓公

既霸會諸侯於葵丘  
正義括地志云葵丘在曹州考城縣東南一里五十步郭內即桓公

所會處也而欲封禪管仲曰  
索隱今管子書封禪篇是古者封泰山禪梁



父者

正義括地志云梁父山在兗州泗水縣北八十里也

七十二家

正義韓詩外傳云孔子升

泰山觀易姓而王可得而數者七十餘人不得而數者萬數也按管仲所記自無懷氏以下十二家其六十家

無紀錄也

而夷吾所記者十有二焉昔無懷氏

集解服虔曰古之王者在

伏義前封泰山禪云云

集解李奇曰云云山在梁父東見莊子索隱晉灼云云云山在蒙陽縣

故城東北下有云云亭正義括地志云云云山在兗州博野縣西南三十里也

慮義封泰山禪

云云神農封泰山禪云云炎帝封泰山禪云云

索隱鄧展云神

農後子孫亦稱炎帝而登封者律歷志黃帝與炎帝戰于阪泉豈黃帝與神農身戰乎皇甫謐云炎帝傳位八

也代黃帝封泰山禪亭亭

集解徐廣曰在鉅平嗣案服虔曰亭亭山在牟陰索隱應劭云

亭亭在鉅平北十餘里服虔云在牟陰非也正義  
括地志云亭亭山在兗州博城縣西南三十里也 頡頏

封泰山禪云云帝嚳封泰山禪云云堯封泰山禪云云

舜封泰山禪云云禹封泰山禪會稽索隱晉灼云本名茅山吳越春秋云

禹巡天下登茅山以朝羣臣乃大會計更名茅山為會稽亦曰苗山也正義括地志云會稽山一名衡山在越

州會稽縣東南一十二里也湯封泰山禪云云周成王封泰山禪社

首集解應劭曰山名在博縣皆受命然後得封禪桓公

曰寡人北伐山戎索隱服虔云蓋今解卑是也過孤竹正義括地志云孤竹故城

在平州盧龍縣南一十里殷時孤竹國也西伐大夏涉流沙東馬懸車上卑

耳之山

集解韋昭曰將上山纏束其馬懸鈎其車也卑耳即齊語所謂辟耳索隱卑耳山名在河東大

陽卑讀

如字也齊語即春秋外傳國語之書也辟音僻賈逵云山險也

南伐至召陵

正義召音

邵括地志云

邵陵故城在豫州鄧城縣東四十五里也

登熊耳山以望江漢

索隱荆州

記順陽益陽二縣東北有熊耳山東西各一峯如熊耳狀因以為名齊桓公太史公並登之或云弘農熊耳非

也 兵車之會三

索隱案左傳兵車之會三謂魯莊十三年會北杏平宋亂僖四年侵蔡遂伐楚

六年伐鄭圍新城是也

而乘車之會六

索隱案左氏乘車之會六謂莊十四年會于鄆十五

年又會鄆十六年盟于幽僖五年會首止八年盟于洮九年會葵丘

九合諸侯一匡天下

諸侯莫違我昔三代受命亦何以異乎於是管仲睹桓

公不可窮以辭因設之以事曰古之封禪鄆上之泰北

里之未

集解應劭曰鄆上山也鄆音臞蘓林曰鄆上北里皆地名索隱韋昭云設以不可得之物應劭

云光武改高邑曰鄆姚氏云鄆縣屬常山一云鄆上山名所以為盛江淮之間一茅

三脊

集解孟康曰所謂靈茅

所以為藉也東海致比目之魚

集解韋昭

曰各有一目不比不行其名曰鰈索隱鰈音荅郭璞云如牛脾身薄細鱗紫黑色一眼兩片合乃得行今江東

呼為王餘西海致比翼之鳥集解韋昭曰各有一翼不比不飛其名曰鸛鸛索隱

山海經云崇丘之山有鳥狀如鳧一翼一目相得乃飛名云鸛郭璞註爾雅亦作鸛鸛然後物有

不召而自至者十有五焉今鳳凰麒麟不來嘉穀不生

而蓬蒿藜莠茂鳩臬數至而欲封禪毋乃不可乎於是

桓公乃止是歲秦繆公內晉君夷吾其後三置晉國之

君平其亂索隱三置晉君謂惠公懷公文公也繆公立三十九年而卒其

後百有餘年而孔子論述六藝傳略言易姓而王封泰

山禪乎梁父者七十餘王矣其俎豆之禮不章蓋難言

之或問禘之說孔子曰不知知禘之說其於天下也視

其掌集解孔安國曰為魯諱也包氏曰孔子謂或人言知禘之說者於天下之事如指視以掌中之物言

也其易詩云紂在位文王受命政不及泰山武王克殷二

年天下未寧而崩爰周德之洽維成王成王之封禪則

近之矣及後陪臣執政季氏旅於泰山仲尼譏之

集解馬融

曰旅祭名禮諸侯祭山川在封內者陪臣祭泰山非禮也是時萇弘以方事周靈王

諸侯莫朝周周力少萇弘乃明鬼神事設射狸首狸首

者諸侯之不來者

集解徐廣曰狸一名不來

依物怪欲以致諸侯諸

侯不從而晉人執殺萇弘

集解駉案皇覽曰弘冢在洛陽東北山上

周人之

言方怪者自萇弘其後百餘年秦靈公作吳陽上時祭

黃帝

集解徐廣曰距作密時二百五十年

作下時祭炎帝

索隱吳陽地名蓋在岳之南又

上云雍旁有故吳陽武時今蓋因後四十八年周太史武時又作上下時以祭黃帝炎帝

儋見秦獻公

索隱儋音丁甘反孟康云即老子也韋昭案年表儋在孔子後百餘年非老聃也

曰秦始與周合合而離五百歲當復合

索隱大顏歷評諸家而云周平

王封襄公始列為諸侯是乃為別至昭王五十二年西周君臣獻邑凡五百一十六年是為合此言五百年舉

全數合十七年而霸王出焉

索隱自昭王滅周之後至始皇元年誅嫪毐正一十

七年孟康云謂周封秦為別秦并周為合此襄公為霸始皇為王故云霸王出者也正義王于放反秦周俱黃帝之後至非子未別封是合也合而離者謂非子末年周封非子為附庸邑之秦是離也五百歲當復合者謂從非子邑秦後二十九君至秦孝公二年五百歲周顯王致文武胙於秦孝公復與之親是復合也十七年霸

王出焉者謂從秦孝公三年至十九年周顯王致伯於秦孝公是霸出也至惠王稱王者出焉然五百歲者非子生秦侯已下二十八君至孝公二年合四百八十六年兼非子邑秦之後十四年則成五百歲矣諸家解皆非也  
櫟陽雨金秦獻公自以為得金瑞故作畦時櫟陽

而祀白帝

集解晉灼曰漢注在隴西西縣人先祠山下形如種韭畦時各一土封索隱漢舊儀云祭

人先於隴西西縣人先山山上皆有土人山下有時如種韭畦時中各有一土封故云畦時

其後百

二十歲而秦滅周

集解徐廣曰去太史儋言時百二十年

周之九鼎入于

秦或曰宋太丘社亡

集解鮑案爾雅曰古陵太丘索隱應劭云亡淪入地非也案亡謂社

主亡也郭璞云宋有太丘社以社名此地也

而鼎没于泗水彭城下其後百



一十五年而秦并天下秦始皇既并天下而帝或曰黃

帝得土德黃龍地螾見

集解應劭曰螾丘蚓也黃帝王位故地見其神蚓大五六圍長

十餘丈韋昭曰黃者地色螾亦地物故以為瑞索隱此史所記出呂氏春秋也螾音引

夏得木德

青龍止於郊草木暢茂殷得金德銀自山溢

集解蕪林曰流出也

周得火德有赤烏之符

索隱尚書中候及呂氏春秋皆云有大自天止于王屋流為赤

烏五至以穀俱來

今秦變周水德之時昔秦文公出獵獲黑龍

此其水德之瑞於是秦更命河曰德水以冬十月為年

首色上黑度以六為名

正義張晏云水北方黑水終數六故以方六寸為符六尺為步

音上大呂事統上法

集解服虔曰政上法令也瓚曰水陰陰主刑殺故上法

即帝

位三年東巡郡縣祠騶嶧山頌秦功業

索隱騶縣之嶧山騶縣本邦國

魯穆公改作鄒從征記北巖有秦始皇所勒之銘

於是徵從齊魯之儒生博士

七十人至乎泰山下諸儒生或議曰古者封禪為蒲車

惡傷山之土石草木

索隱蒲車謂蒲裹車輪也

埽地而祭席用苴藉

集解應劭曰藉禾稾也去其皮以為席如淳曰苴讀曰祖藉讀曰憂晉灼曰苴藉也索隱周禮祭祀供茅苴說文云苴言其易遵也

茅藉也始皇聞此議各乖異難施用由此

絀儒生而遂除車道上自泰山陽至巔立石頌秦始皇

帝德明其得封也從陰道下禪於梁父其禮頗采太祝之祀雍上帝所用而封藏皆祕之世不得而記也始皇之上泰山中阪遇暴風雨休於大樹下諸儒生既絀不得與用於封事之禮聞始皇遇風雨則譏之於是始皇遂東游海上行禮祠名山大川及八神求僊人羨門之屬八神將自古而有之或曰太公以來作之齊所以為齊以天齊也

集解蘇林曰當天中央齊

其祀絕莫知起時八神一曰

天主祠天齊天齊淵水居臨菑南郊山下者

索隱顧氏案解道彪

齊記云臨菑城南有天齊泉五泉並出有異於  
常言如天之腹臍也小顏云下者謂最下也  
二曰地

主祠太山梁父蓋天好陰祠之必於高山之下小山之

上命曰時

集解徐廣曰一云之下上時命曰時索  
隱此之一云與漢書郊祀志文同也

地貴

陽祭之必於澤中圓丘云三日兵主祠蚩尤蚩尤在東

平陸監鄉齊之西境也

集解徐廣曰屬東平郡索隱監  
音關皇覽云蚩尤冢在東平郡

壽張縣闕四曰陰主祠三山

索隱小顏以為下所謂三  
神山顧氏案地理志東萊

曲成有參山即此三山  
非海中之三神山也

五曰陽主祠之罍

正義括地志  
云之罍山在

萊州文登縣  
西北九十里

六曰月主祠之萊山

集解韋昭曰在  
東萊長廣縣

皆在

齊北並勃海七日主祠成山成山斗入海

集解韋昭曰成山在

東萊不夜斗入海不夜古縣名索隱案解道彪齊記云不夜城古有日夜出見於東境故萊子立城以不夜為

名也斗入海謂斗絕曲入海也最居齊東北隅以迎日出云八日四時

主祠琅邪琅邪在齊東方

索隱山海經云琅邪臺在勃海間案是山形如臺地理志

琅邪縣有四時祠也蓋歲之所始皆各用一牢具祠而巫祝所損

益珪幣雜異焉自齊威宣之時

索隱謂威王宣王也騶子之徒

韋昭曰論著終始五德之運

集解如淳曰今其書有五德終始五德各以所勝為

行秦謂周為火德滅火者水故自謂之水德及秦帝而齊人奏之故始皇采

用之而宋母忌正伯僑充尚羨門子高

集解韋昭曰皆慕古人名致神

仙者索隱樂彥引老子道經云月中仙人宋母忌白澤圖云大之精曰宋母忌蓋其人大仙也司馬相如云正

伯僑古仙人顧氏案裴秀冀州記云緱氏仙人廟者昔有王喬捷為武陽人為栢人令於此得仙非王子喬也

充尚無所見羨門高者秦始皇使盧生求羨門子高是也 最後皆燕人索隱最後猶

度說止有四人是也小顏云自宋母忌至最後凡五人劉伯莊亦同此說恐未詳 為方僂道形

解銷化集解服虔曰尸解也張晏曰人老如解去故骨則變化也今山中有龍骨世人謂之龍解骨化

也依於鬼神之事騶衍以陰陽主運集解如淳曰今其書有主運五行相

次轉用事隨方面為服索 顯於諸侯而燕齊海上之方

士傳其術不能通然則怪迂阿諛苟合之徒自此興不可勝數也自威宣燕昭使人入海求蓬萊方丈瀛州此

三神山者其傳在勃海中

集解服虔曰傳音附或曰其傳書云爾瓚云世人相傳之

去人不遠患且至則船風引而去蓋嘗有至者諸僊人及不死之藥皆在焉其物禽獸盡白而黃金銀為宮闕未至望之如雲及到三神山反居水下臨之風輒引去終莫能至云世主莫不甘心焉

索隱謂心甘羨也

及至秦始皇

并天下至海上則方士言之不可勝數始皇自以為至

海上而恐不及矣使人乃齋童男女入海求之船交海

中皆以風為解

索隱顧野王云皆自解說遇風不至也

曰未能至望見之

焉其明年始皇復游海上至琅邪過恒山從上黨歸後

三年游碣石考入海方士

集解服虔曰疑詐故考之瓚曰考校其虛實也

從上

郡歸後五年始皇南至湘山遂登會稽並海上冀遇海

中三神山之竒藥不得還至沙丘崩

正義括地志云沙丘臺在邢州平鄉

東北三十里

二世元年東巡碣石並海南歷泰山至會稽皆

禮祠之而刻勒始皇所立石書旁以章始皇之功德

索隱



小顏云今此諸山皆有始皇所刻石及胡亥重刻其文並具存也

其秋諸侯畔秦三年

而二世弑死始皇封禪之後十三歲秦亡諸儒生疾秦

焚詩書誅僂文學百姓怨其法天下畔之皆譌曰始皇

上泰山為暴風雨所擊不得封禪此豈所謂無其德而

用事者邪

索隱即封禪書序云蓋有無其應而用事者矣此當有所本太史公再引以為說也

昔

三代之君皆在河洛之間

正義世本云夏禹都陽城避商均也又都平陽或在安邑

或在晉陽也帝王世紀云殷湯都亳在梁又都偃師至盤庚徙河北又徙偃師也周文武都鄴鄴至平王徙都

河南按三代之居皆在河洛之間也

故嵩高為中岳而四岳各如其方四

瀆咸在山東至秦稱帝都咸陽則五岳四瀆皆并在東方自五帝以至秦軼興軼衰名山大川或在諸侯或在天子其禮損益世殊不可勝記及秦并天下令祠官所常奉天地名山大川鬼神可得而序也於是自殺以東

索隱殺即峭山杜預云峭在弘農澠池縣西南即今之二都山是也亦音豪

名山五大川祠

二曰太室太室嵩高也恒山泰山會稽湘山

索隱地理志湘山在

長水曰濟曰淮

索隱風俗通云濟廟在臨邑淮廟在平氏也

春以脯酒為歲

祠因泮凍

集解服虔曰泮凍為音于偽反

秋涸凍

索隱案字林涸竭也音下各反小顏

云涸讀與涿同涿凝也音  
下故反春則解杖則凝

冬賽禱祠

索隱賽音先代反  
賽謂報神福也

其姓用牛犢各一牢具珪幣各異自華以西名山七名

川四曰華山

正義括地志云華山在華州華陰縣南八里古文以為敷物也註云華嶽本一山當

河水過而行河神巨靈手盪脚蹋開而為兩今脚跡在東首陽下手掌在華山今呼為仙掌河流於二山之間

也開山圖云巨靈胡者偏得神

薄山薄山者襄山也

集解

仙之道能造山川出江河也

徐廣曰蒲阪縣有襄山或字誤也索隱應劭云襄山在

潼關北十餘里穆天子傳云自河首襄山酈元水經云

薄山統目與襄山不殊在今芮城北與中條山相連是薄襄一山名也正義薄音白落反襄音色眉反括地志

云薄山亦名襄山一名寸棘山一名渠山一名雷首山一名獨頭山一名首陽山一名吳山一名條山在陝州

芮縣城北十里此山西起雷山東至吳坂凡十名以  
州縣分之多在蒲州今史文云自華以西未詳也 岳

山岐山

集解徐廣曰武功縣有大壺山又有岳  
山索隱地理志岐山在美陽縣西北也 吳岳集

徐廣曰在沂也索隱徐說非也 鴻冢瀆山瀆山蜀之汶  
案地理志沂有垂山無岳山也 瀆山瀆山蜀之汶

山也

索隱黃帝臣大鴻葬雍鴻冢蓋因大鴻葬為名也  
地理志蜀郡蒲氏道嶧山在西郭璞註云山在汶

陽郡廣陽縣  
一名瀆山也

水曰河祠臨晉

索隱韋昭曰臨晉馮翊縣  
地理志臨晉有河水祠正

義即同州馮翊縣本漢臨晉縣也枚大荔秦獲之更名  
括地志云大河祠在同州朝邑縣南三十里山海經云

水夷人面乘兩龍也太公金匱云馮修也龍魚河圖云  
河伯姓呂名公子夫人姓馮名夷河伯字也華陰潼鄉隄

首人水死化為河伯應  
劭云夷馮夷乃水仙也

沔祠漢中

索隱水經云沔水出  
武都沮縣注云東南

注漢所謂漢水故祠之漢中

湫淵祠朝那

集解蘇林曰湫淵在安定

朝那縣方四十里停不流冬夏不增減不生草木音將

義括地志云朝那湫祠在平高縣

江水祠蜀

風俗

通云江出嶓山嶓山廟在江都地理志江都有江水祠

蓋漢初祠之於源後祠之於委也廣雅云江神謂之奇

彭門關立江神祠三所漢舊儀云祭四瀆用三牲圭沉

有車馬紺蓋正義括地志云江瀆祠在益

州成都縣南八里秦并天下江水祠蜀亦春秋泮涸

冢鴻岐吳岳皆有嘗未

集解孟康曰以新穀祭索隱案謂四山為大冢爾雅云山頂曰

冢蓋亦因鴻冢而為號也  
陳寶節來祠集解服虔曰陳寶神應節來也  
其河加有嘗

醪此皆在雍州之域近天子之都故加車一乘駢駒四

灞產

正義括地志云灞水古滋水也亦名曰藍谷水即秦嶺水之下流在雍州藍田縣澆水即荆溪狗柳

之下流也在雍州萬年縣也  
長水澧滂集解徐廣曰音勞駟案漢書音義曰水名在鄠縣界索隱

百官表有長水校尉沈約宋書云營近長水因以為名水經云長水出白鹿原今之荆溪水是也十三州記澧

水出鄠縣南也正義括地志云澧水源在雍州長安縣西南山澧谷  
涇渭皆非大川以近

咸陽盡得比山川祠而無諸加集解韋昭曰無車駢之屬  
汧洛正義括地

志云汧水源自隴州汧源縣西南汧山東入渭洛水源出慶州洛源縣白於山南流入渭又云洛水商州洛南

縣西冢嶺山東北流入河  
按有三洛水未知祠何者  
二淵正義地理志云二川源在慶州華池縣西子午

嶺東二川鳴澤索隱服虔云鳴澤在涿郡道縣正義括地志云鳴澤在幽州范陽縣西十五里

按道縣在易州涿水縣北一里故道城是也澤在道南  
蒲山岳嶧山集解徐廣曰嶧音先許反

之屬為小山川亦皆歲禱賽泮涸祠禮不必同而雍有

日月參辰索隱漢書舊儀云祭參辰於池陽谷口夾道在右為壇也雍地名也南北斗熒

惑太白歲星填星二十八宿風伯雨師四海九臣集解晉灼

曰自此以下星至天淵玉索隱九臣十四臣並女凡二十六小神不說十四臣不見其名數所出故

昔賢皆諸布諸嚴諸速之屬百有餘廟索隱爾雅祭星曰布或云諸布

是祭星之處述亦未詳漢書作遂

西亦有數十祠

索隱西即隴西之西縣秦之舊都故有祠

馬於湖有周天子祠

索隱地理志湖縣屬京兆有周天子祠二所在

於下邳有

天神澧瀉有昭明

索隱案樂彥引河圖云熒惑星散為昭明

天子辟池

索隱樂彥

云辟池未聞顧氏

以為壁池即瀉池

所謂華陰平舒道

逢使者持璧以遺瀉池君故曰壁池今案謂天子辟池

即用天子辟雍之地故周文王都鄴武王都鄩既立靈臺則亦有辟雍耳張衡亦以辟池為雍也

於社

亳有三社主之祠

集解韋昭曰亳音薄湯所都瓚曰濟陰薄縣是索隱徐廣云京兆杜縣有

亳亭則社字誤合作杜亳且據文列於下皆是地邑則杜是縣案秦寧公與亳王戰亳王奔戎遂滅湯社皇甫

謚亦云周桓王時自有亳王號湯非殷也而臣瓚以亳為成湯之邑故云在於濟陰非也案謂社亳二邑有三



社主之祠也

### 壽星祠

索隱壽星蓋南極老人星也見則天下理安故祠之以祈福壽也正義角亢在

辰為壽星三月之時萬物始生建於春氣布養各盡其性不罹災夫故壽

而雍管廟亦有杜

主

集解李奇曰管茅也

杜主故周之右將軍

索隱地理志杜陵故杜伯國有杜主祠四

墨子云周宣王殺杜伯不以罪後宣王田於圃見杜伯執弓矢射宣王伏殺而死故祠之也正義括地志云杜

祠雍州長安縣西南二十五里

其在秦中最小鬼之神者

索隱謂其鬼雖小而有神

靈者也 各以歲時奉祠唯雍四時上帝為尊

索隱雍有五時而言四者

顧氏以為兼下文上帝為五非也案四時據秦舊而言秦襄公始列為諸侯而作西時文公卜居汧渭之間而

作廊時皆非雍也至秦德公卜居雍而後宣公作密時祠青帝靈公作上時祠黃帝下時祠炎帝獻公作畦時

祠白帝是為四并高祖增黑帝而五也正義括地志云  
廊時吳陽上下時是言秦用四時祠上帝青黃赤白最  
尊貴其光景動人民唯陳寶故雍四時春以為歲禱因  
之也

泮凍秋涸凍冬賽祠五月嘗駒及四仲之月祠若月祠

陳寶節來一祠春夏用駢秋冬用駢時駒四匹木禺龍

藥車一馬

四集解駟案漢書音義曰禺寄也寄生龍形於木也索隱禺音偶謂偶其形於木禺馬亦然

藥車謂車有鈴乃有和藥之節故取名也

木禺車馬一馬各如其帝色黃犢

羔各四珪幣各有數皆生瘞埋無俎豆之具

正義豆以木為之受

四升高尺二寸漆其中大夫以上赤雲氣畫諸侯加象飾口足天子玉飾之也

三年一郊秦以

冬十月為歲首故常以十月上宿郊見

集解李奇曰通宿猶齋戒也

權火

集解張晏曰權火烽火也狀若井椽舉也其法類稱故謂之權欲令光明遠照通祀所也漢祀五時

於雍五里一烽火如淳曰權舉也索隱權如字一音權周禮有司燿燿火官張晏解非也拜於咸陽

之旁而衣上白其用如經祠云

集解服虔曰經常也

西時畦時祠

如其故上不親往諸此祠皆太祝常主以歲時奉祠之

至如他名山川諸鬼及八神之屬上過則祠去則已郡

縣遠方神祠者民各自奉祠不領於天子之祝官祝官

有祕祝即有菑祥輒祝祠移過於下

正義謂有災祥輒令祝官祠祭移其

咎惡於衆官 漢興高祖之微時嘗殺大蛇有物曰蛇白  
及百姓也

帝子也而殺者赤帝子高祖初起禱豐枌榆社

集解張晏曰枌

白榆也社在豐東北十五里或曰枌榆鄉名高祖里社

徇沛為沛公則祠蚩尤釁

鼓旗遂以十月至灞上與諸侯平咸陽立為漢王因以

十月為年首而色上赤二年東擊項籍而還入關問故

秦時上帝祠何帝也對曰四帝有白青黃赤帝之祠高

祖曰吾聞天有五帝而有四何也莫知其說於是高祖

曰吾知之矣乃待我而具五也乃立黑帝祠命曰北時

有司進祠上不親往悉召故秦祝官復置太祝太宰如

其故儀禮因令縣為公社

集解李奇曰猶官社

下詔曰吾甚重祠

而敬祭今上帝之祭及山川諸神當祠者各以其時禮

祠之如故

集解徐廣曰高祖本紀曰二年六月令祠官祀天地四方上帝山川以時祀之後四

歲天下已定詔御史令豐謹治枌榆社常以四時春以

羊彘祠之令祝官立蚩尤之祠於長安長安置祠祝官

女巫其梁巫祠天地天社天水房中堂上之屬

素隱禮樂志有

安世房中歌皆謂祭時房中堂上歌先祖之功德也

晉巫祠五帝東君雲中司命

巫社巫族人先炊之屬

索隱廣雅云東君日也王逸註楚詞雲中雲也東君雲中亦見

歸藏易也周禮以禋燎祠司命鄭衆云司命文昌四星也正義先炊古炊母之神也

秦巫祠社主

巫保族纍之屬

索隱社主即上文三社之主巫保族纍二神名纍音力追反

荆巫祠

堂下巫先司命施糜之屬

集解應劭曰先人所置之國及有靈施化民人又貴悉置

祠巫祝博求神靈之意文穎曰巫掌神之位次者也范氏世仕於晉故祠祝有晉巫范會支庶留秦為劉氏故

有秦巫劉氏隨魏都大梁故有梁巫後徙豐豐屬荆故有荆巫索隱巫先謂古巫之先有靈者蓋巫咸之類也

施糜鄭玄謂主施糜粥之神

九天巫祠九天

索隱孝武本紀云立九天廟於甘泉三輔故事

云胡巫事九天於神明臺淮南子云中央曰鈞天東方曰蒼天東北旻天北方元天西北幽天西方皓天西南

朱天南方炎天東南陽天是為九天也正義太元經云  
一中天二羨天三徙天四罰更天五晬天六郭天七咸  
天八治天九成天也皆以歲時祠宮中其河巫祠河於臨晉而南

山巫祠南山秦中秦中者二世皇帝

集解張晏曰子產云匹夫匹婦強死

者竟鬼能依人為厲

各有時月其後二歲或曰周興而邑郃立后

稷之祠至今血食天下

正義顏師古云祭有牲牢故言血食遍於天下

於是高

祖制詔御史其令郡國縣立靈星祠常以歲時祠以牛

集解張晏曰龍星左角曰天田則農祥也晨見而祭正義漢舊儀云五年脩復周家舊祠祀后稷於東南為民祈農報厥功夏則龍星見而始雩龍星左角為天田右角為天庭天田為司馬教人種百穀為稷靈者神也辰

之神為靈星故以壬辰日祠靈星於東南金勝高祖十  
為土相也廟記云靈星祠在長安城東十里

年春有司請令縣常以春三月及時臘祠社稷以羊豕

民里社各自財以祠制曰可其後十八年孝文帝即位

即位十三年下詔曰今祕祝移過于下朕甚不取自今

除之始名山大川在諸侯諸侯祝各自奉祠天子官不

領及齊淮南國廢令太祝盡以歲時致禮如故

正義齊有泰山

淮南有天柱山二山初天子祝官不領遂廢其祀是歲  
令諸侯奉祠今令太祝盡以歲時致禮如秦故儀

制曰朕即位十三年于今賴宗廟之靈社稷之福方內



又安民人靡疾間者比年登朕之不德何以饗此皆上帝諸神之賜也蓋聞古者饗其德必報其功欲有增諸

神祠有司議增雍五時路車各一乘駕被具

正義顏師古云駕車

被馬之飾皆具

西時畦時禺車各一乘禺馬四匹駕被具其河

湫漢水

正義河湫黃河及湫泉

加玉各二

正義言二水祭時各加玉璧二枚

及諸

祠各增廣壇場珪幣俎豆以差加之而祝釐者歸福於朕百姓不與焉自今祝致敬毋有所祈魯人公孫臣上書曰始秦得水德今漢受之推終始傳則漢當土德土

德之應黃龍見宜改正朔易服色色尚黃是時丞相張

蒼好律歷以為漢乃水德之始故河決金堤

集解駟案漢書音義

曰在東郡界

其符也

索隱謂河決乃水德之符應也

年始冬十月色外黑內

赤

集解服虔曰十月陰氣在外黑陽氣尚伏在地故內赤

與德相應如公孫臣言

非也罷之後三歲黃龍見成紀

集解徐廣曰在文帝十五年春正義按成紀今

秦州縣也

文帝乃召公孫臣拜為博士與諸生草改歷服色

事其夏下詔曰異物之神見于成紀無害於民歲以有年朕祈郊上帝諸神禮官議無諱以勞朕有司皆曰古

者天子夏親郊祠上帝於郊故曰郊於是夏四月文帝

始郊見雍五時祠衣皆上赤其明年趙人新垣平以望

氣見上言長安東北有神氣成五采若人冠纓焉或曰

東北神明之舍西方神明之墓也

集解張晏曰神明日也日出東方舍謂暘

谷日沒於西墓謂北谷也

天瑞下宜立祠上帝以合符應於是作渭

陽五帝廟同宇帝一殿面各五門各如其帝色祠所用

及儀亦如雍五時

集解韋昭曰宇謂上同下異禮所謂複廟重屋也瓚曰一營宇之中立五

廟正義括地志云渭陽五帝廟在雍州咸陽縣東三十里宮殿疏云五帝廟一字五殿也按一字之內而設五

帝各依其方帝別為一殿而門各如帝色也

夏四月文帝親拜霸渭之會

集解

如淳曰二水之會正義渭陽五廟在二水之合北岸以郊見渭陽五帝五帝廟南

臨渭北穿蒲池溝水

正義顏師古云蒲池為池而種蒲也蒲字或作滿言其水滿恐顏說非

按括地志云渭北咸陽縣有蘭池始皇逢盜蘭池者也言穿溝引渭水入蘭池也疑蘭字誤作為蒲重更錯失

權火舉而祠若光輝然屬天焉於是貴平上大夫賜累

千金而使博士諸生刺六經中作王制

索隱小顏云刺謂采取之也劉

向七錄云文帝所造書有本制兵制服制篇刺音七賜反

謀議巡狩封禪事文帝出

長安門

集解徐廣曰在霸陵駟案如淳曰亭名也正義括地志云長安門故亭在雍州萬年縣東北苑

中後館陶公主長門園  
武帝以長門名宮即此  
若見五人於道北遂因其直北

立五帝壇

集解孟康曰直值也  
值其立處以作壇

祠以五牢具其明年新

垣平使人持玉杯上書闕下獻之平言上曰闕下有寶

玉氣來者已視之果有獻玉杯者刻曰人主延壽平又

言臣候日再中

索隱晉灼云淮南云魯陽公與韓構戰  
戰酣日暮援戈麾之日為却三舍豈其

然居頃之日卻復中於是始更以十七年為元年今天

下大酺平言曰周鼎亡在泗水中今河溢通泗臣望東

北汾陰直有金寶氣意周鼎其出乎兆見不迎則不至

於是上使使治廟汾陰南臨河欲祠出周鼎

集解徐廣曰是後三

十七年鼎出汾陰

人有上書告新垣平所言氣神事皆詐也下

平吏治誅夷新垣平自是之後文帝怠於改正朔服色  
神明之事而渭陽長門五帝使祠官領以時致禮不往  
焉明年匈奴數入邊興兵守禦後歲少不登數年而孝  
景即位十六年祠官各以歲時祠如故無有所興至今

天子

集解駸案自此後武帝事褚先生取為武帝本紀注解已在第十二卷今直載徐義

今天子

初即位尤敬鬼神之祀元年漢興已六十餘歲矣天下

又安措紳之屬皆望天子封禪改正度也而上鄉儒術  
招賢良趙綰王臧等以文學為公卿欲議古立明堂城  
南以朝諸侯草巡狩封禪改歷服色事未就會竇太后  
治黃老言不好儒術使人微伺得趙綰等姦利事召案  
綰臧綰臧自殺諸所興為皆廢後六年竇太后崩其明  
年徵文學之士公孫弘等明年今上初至雍郊見五時  
後常三歲一郊索隱漢舊儀云元年祭天二年祭地  
三年祭五時三歲一遍皇帝自行也是  
時上求神君舍之上林中號氏觀神君者長陵女子以

子死見神於先後宛若宛若祠之其室民多往祠平原君往祠其後子孫以尊顯及今上即位則厚禮置祠之

內中聞其言不見其人云是時李少君亦以祠竈穀道

却老方見上上尊之少君者故深澤侯舍人

索隱案表深澤侯趙

將夜以高祖八年封侯至元朔五年夷侯胡薨無後國除

主方匿其年及其生長常

自謂七十能使物却老其游以方徧諸侯無妻子人聞其能使物及不死更饋遺之常餘金錢衣食人皆以為不治生業而饒給又不知其何所人愈信爭事之少君



資好方善為巧發竒中嘗從武安侯飲

索隱武安侯田蚡也

坐中

有九十餘老人少君乃言與其大父游射處老人為兒

時從其大父識其處一坐盡驚少君見上上有故銅器

問少君少君曰此器齊桓公十年陳於柏寢

索隱韓子云齊景公

與晏子遊於少海登柏寢之臺而望其國

已而案其刻果齊桓公器一宮盡

駭以為少君神數百歲人也少君言上曰祠竈則致物

致物而丹沙可化為黃金黃金成以為飲食器則益壽

益壽而海中蓬萊僊者乃可見見之以封禪則不死黃

帝是也臣常游海上見安期生安期生食巨棗大如瓜

索隱包愷云巨或作臣

安期生僊者通蓬萊中合則見人不合則

隱於是天子始親祠竈遣方士入海求蓬萊安期生之

屬而事化丹沙諸藥齊為黃金矣居久之李少君病死

天子以為化去不死而使黃錘

集解徐廣曰錘音才志反錘縣黃縣皆在東萊

史寬舒受其方求蓬萊安期生莫能得而海上燕齊怪

迂之方士多更來言神事矣亳人謬忌奏祠太一方曰

天神貴者太一

索隱樂汁徵圖曰天宮紫微北極天一太一束均云天一太一北極神之別名

春秋佐助期曰紫宮天皇曜魄竇之所理也石氏云太  
天一太一各一星在紫宮門外立承事天皇大帝

一佐曰五帝古者天子以春秋祭太一東南郊用太牢

七日為壇開八通之鬼道

索隱司馬彪續漢書祭祀志云壇有八陞通道以為門又

三輔黃圖云上帝壇八觚神道八通廣三十步也

於是天子令太祝立其祠長

安東南郊常奉祠如忌方其後人有上書言古者天子

三年壹用太牢祠神一天一地一太一天子許之令

太祝領祠之於忌太一壇上如其方後人復有上書言

古者天子常以春解祠

索隱謂祠祭以解殃咎求福祥也

祠黃帝用一

臬破鏡冥羊用羊祠馬行用一青牡馬太一澤

集解徐廣曰澤

一作

山君地長用牛

索隱此則人上書言古天子祭太一太一天神也澤山本紀作嶧山

澤山君地長謂祭地於嶧山同用太牢故云用牛蓋是異代之法也

武夷君用乾魚

索隱顧氏

案地理志建安有武夷山溪有仙人葬處即漢志書所謂武夷君是時既用越巫勇之疑即此神今案其祀用乾魚兼不享牲

陰陽使者以一牛令祠官領之如其方

而祠於忌太一壇旁其後天子苑有白鹿以其皮為幣

以發瑞應造白金馬

索隱樂彥云謂龍馬龜也

其明年郊雍

集解徐廣曰武

帝立已十九年獲一角獸若麟然有司曰陛下肅祗郊祀上帝

報享錫一角獸蓋麟云於是以薦五時時加一牛以燎

錫諸侯白金風符應合於天也於是濟北王以為天子

且封禪乃上書獻泰山及其旁邑天子以他縣償之常

山王有罪遷天子封其弟於真定以續先王祀

集解徐廣曰元

鼎四年時而以常山為郡然後五岳皆在天子之邦其明年

齊人少翁以鬼神方見上上有所幸王夫人

集解徐廣曰外戚傳

曰趙之王夫人幸有子封為齊王夫人卒少翁以方蓋夜致王夫人及

竈鬼之貌云

索隱漢書作李夫人卒帝悼之李少翁致其形帝為作賦此云王夫人新論亦同未

詳天子自帷中望見焉於是乃拜少翁為文成將軍賞

賜甚多以客禮禮之文成言曰上即欲與神通宮室被

服非象神神物不至乃作畫雲氣車及各以勝日駕車

辟惡鬼

索隱樂彥云畫以勝日者謂畫青車以甲乙畫赤車以丙丁畫元車以壬癸畫白車以庚辛畫

黃車以戊己將有水事則乘黃車故云駕車辟惡鬼也

又作甘泉宮中為臺室畫

天地太一諸鬼神而致祭具以致天神居歲餘其方益

衰神不至乃為帛書以飯牛詳不知言曰此牛腹中有

竒殺視得書書言甚怪天子識其手書問其人果是偽

書於是誅文成將軍隱之其後則又作柏梁銅柱

集解  
徐廣

曰元鼎二年時承露仙人掌之屬矣文成死明年天子病鼎湖

甚

索隱三輔黃圖云鼎湖宮名在藍田韋昭云地名近  
宜春案湖本屬京兆後分屬弘農恐非鼎湖處也

巫醫無所不致不愈游水發根言上郡有巫病而鬼神  
下之上召置祠之甘泉及病使人問神君神君言曰天  
子無憂病病少愈彊與我會甘泉於是病愈遂起幸甘  
泉病良已大赦置酒壽宮神君壽宮神君最貴者太一  
其佐曰大禁司命之屬皆從之弗可得見聞其言言與

人音等時去時來來則風肅然居室帷中時晝言然常以夜天子被然後入因巫為主人關飲食所以言行下又置壽宮北宮張羽旗設供具以禮神君神君所言上使人受書其言命之曰書法其所語世俗之所知也無絕殊者而天子心獨喜其事祕世莫知也其後三年有司言元宜以天瑞命不宜以一二數一元曰建二元以長星日光三元以郊得一角獸曰狩云其明年冬天子郊雍議曰今上帝朕親郊而后土無祀則禮不答也有



司與太史公祠官寬舒議天地牲角鬩衆今陛下親祠

后土后土宜於澤中圓丘為五壇壇一黃犢太牢具已

祠盡瘞而從祠衣上黃於是天子遂東始立后土

集解  
徐廣

曰元鼎  
四年

祠汾陰睢丘如寬舒等議上親望拜如上帝禮

禮畢天子遂至滎陽而還過雒陽下詔曰三代邈絕遠

矣難存其以三十里地封周後為周子南君以奉其先

祀焉是歲天子始巡郡縣浸尋於泰山矣其春樂成侯

上書言樂大樂大膠東宮人故嘗與文成將軍同師已

而為膠東王尚方而樂成侯姊為康王后

索隱康王名寄

無子

康王死他姬子立為王

集解徐廣曰以元狩二年薨

而康后有淫行

與王不相中

索隱三蒼云中得也

相危以法康后聞文成已死而

欲自媚於上乃遣樂大因樂成侯求見言方天子既誅

文成後悔其蚤死惜其方不盡及見樂大大說大為人

長美言多方略而敢為大言處之不疑大言曰臣常往

來海中見安期羨門之屬顧以臣為賤不信臣又以為

康王諸侯耳不足與方臣數言康王康王又不用臣臣

之師曰黃金可成而河決可塞不死之藥可得僂人可

致也然臣恐效文成則方士皆奄口惡敢言方哉上曰

文成食馬肝死耳

索隱論衡云氣勃而毒盛故食走馬肝馬肝殺人儒林傳曰食肉無食馬

肝是也

子誠能脩其方我何愛乎

索隱上語藥大云子誠能脩文成方我更何所

愛惜乎謂不吝金寶祿位也

大曰臣師非有求人者求之陛下必

欲致之則貴其使者令有親屬以客禮待之勿卑使各

佩其信印乃可使通言於神人神人尚肯邪不邪致尊

其使然後可致也於是上使驗小方鬪慕慕自相觸擊

索隱顧氏案萬畢術云取雞血雜磨針  
鐵搗和磁石碁頭置局上自相抵擊也  
是時上方憂河

決而黃金不就乃拜大為五利將軍居月餘得四印

索隱

謂五利將軍天士將軍地士將軍大通將軍大通將軍為四也佩天士將軍地士將軍大通

將軍印制詔御史昔禹疏九江決四瀆間者河溢舉陸

隄繇不息朕臨天下二十有八年

集解徐廣曰元鼎四年也

天若遺

朕士而大通焉乾稱蜚龍鴻漸于般朕意庶幾與焉其

以二千戶封地士將軍大為樂通侯賜列侯甲第僮十

人乘輦斥車馬帷幄器物以充其家又以衛長公主妻

之索隱衛子夫之子曰衛太子女曰衛長公主是衛后長女也非如帝姊曰長公主之例也齊金萬

斤更命其邑曰當利公主

索隱地理志東萊有當利縣

天子親如五

利之第使者存問供給相屬於道自大主

集解徐廣曰武帝姑

將

相以下皆置酒其家獻遺之於是天子又刻玉印曰天  
道將軍使使衣羽衣夜立白茅上五利將軍亦衣羽衣  
夜立白茅上受印以示不臣也而佩天道者且為天子  
道天神也於是五利常夜祠其家欲以下神神未至而  
百鬼集矣然頗能使之其後裝治行東入海求其師云

大見數月佩六印

索隱更加樂通侯及天道將軍印為六印

貴震天下而海

上燕齊之間莫不搯扼而自言有禁亦方能神僊矣其夏

六月中汾陰巫錦為民祠魏睢后土營旁見地如鉤狀

掇視得鼎鼎大異於眾鼎文鏤無款識怪之言吏吏告

河東太守勝勝以聞天子使使驗問巫得鼎鼎無姦詐乃

以禮祠迎鼎鼎至甘泉從行上薦之至中山

集解徐廣曰河渠書曰鑿

涇水自燕暘有黃雲蓋焉有鹿過上自射之因以祭云

集解徐廣曰上言從行上薦之或者祭鼎鼎也

至長安公卿大夫皆議請尊寶

鼎天子曰間者河溢歲數不登故巡祭后土祈為百姓  
育穀今歲豐庶未報鼎曷為出哉有司皆曰聞昔泰帝

興神鼎一

索隱孔文祥云  
泰帝太昊也

一者壹統天地萬物所繫終

也黃帝作寶鼎三象天地人禹收九牧之金鑄九鼎皆

嘗亨鷓

集解徐廣曰鷓亨煮也音  
鷓皆嘗以亨牲牢而祭祀

上帝鬼神遭聖則興

鼎遷于夏商周德衰宋之社亡鼎乃淪沒伏而不見頌

云自堂徂基自羊徂牛鼎鼎及鼎不吳不驚胡考之休

今鼎至甘泉光潤龍變承休無疆合茲中山

集解徐廣  
曰關中亦

復有中山也  
非魯中山

有黃白雲降蓋若獸為符路弓乘矢集獲

壇下報祠大享

集解徐廣曰一云大報祠享

唯受命而帝者心知其

意而合德焉鼎宜見於祖禰藏于帝廷以合明應制曰

可入海求蓬萊者言蓬萊不遠而不能至者殆不見其

氣上乃遣望氣佐候其氣云其秋上幸雍且郊或曰五

帝太一之佐也宜立太一而上親郊之上疑未定齊人

公孫卿曰今年得寶鼎其冬辛巳朔旦冬至與黃帝時

等卿有札書曰黃帝得寶鼎宛胸問於鬼臾區鬼臾區



對曰黃帝得寶鼎神策是歲己酉朔旦冬至得天之紀  
終而復始於是黃帝迎日推策後率二十歲復朔旦冬  
至凡二十推三百八十年黃帝僊登于天卿因所忠欲  
奏之所忠視其書不經疑其妄書謝曰寶鼎事已決矣  
尚何以為卿因嬖人奏之上大說乃召問卿對曰受此  
書申公申公已死上曰申公何人也卿曰申公齊人與  
安期生通受黃帝言無書獨有此鼎書曰漢興復當黃  
帝之時曰漢之聖者在高祖之孫且曾孫也寶鼎出而

與神通封禪封禪七十二王唯黃帝得上泰山封申公

曰漢主亦當上封上封則能僊登天矣黃帝時萬諸侯

而神靈之封居七千

索隱韋昭云黃帝時萬國以其修神靈得封者七千國或為七十國

樂彥云以舜為神明之後封媯滿於陳之類是也顧氏案國語仲尼云山川之守足以紀綱天下者其守為神汪芒氏之君守天下名山八而三在蠻夷五在中國中封禺之山也

國華山首山太室泰山東萊此五山黃帝之所常游與

神會黃帝且戰且學僊患百姓非其道者乃斷斬非鬼

神者

索隱謂有非毀鬼神之人乃斷理而誅斬之

百餘歲然後得與神通黃

帝郊雍上帝宿三月鬼臾區號大鴻死葬雍故鴻冢是

也其後黃帝接萬靈明廷明廷者甘泉也所謂寒

集解徐廣

曰一作塞門者谷口也黃帝采首山銅鑄鼎於荆山下鼎既

成有龍垂胡鬣下迎黃帝

索隱說文云胡牛垂頷也釋名云胡在咽下垂者則所謂

龍胡也

黃帝上騎羣臣後宮從上者七十餘人龍乃上去

餘小臣不得上乃悉持龍鬣龍鬣拔墮墮黃帝之弓百

姓仰望黃帝既上天乃抱其弓與胡鬣號故後世因名

其處曰鼎湖其弓曰烏號於是天子曰嗟乎吾誠得如

黃帝吾視去妻子如脫躡耳乃拜卿為郎東使候神於  
太室上遂郊雍至隴西西登崆峒幸甘泉令祠官寬舒  
等具太一祠壇祠壇放薄忌太一壇壇三垓

集解徐廣曰階次也

五帝壇環居其下各如其方黃帝西南除八通鬼道太  
一其所用如雍一時物而加醴棗脯之屬殺一狸牛以  
為俎豆牢具而五帝獨有俎豆醴進其下四方地為酸  
食羣臣從者及北斗云已祠胙餘皆燎之其牛色白鹿  
居其中彘在鹿中水而洎之

集解徐廣曰洎一作酒  
灌水於釜中曰洎音冀

日以牛祭月以羊彘特

索隱樂彥云祭日以太牢月以少牢特不用牝也小顏云牛羊

若彘止一牲故云特也

太一祝宰則衣紫及繡五帝各如其色日

赤月白十一月辛巳朔旦冬至昧爽天子始郊拜太一

朝朝日夕夕月則揖而見太一如雍郊禮具贊饗曰

索隱

顧氏云饗祀祠也漢舊儀云贊饗一人秩六百石是也

天始以寶鼎神策授皇帝

朔而又朔終而復始皇帝敬拜見焉而衣上黃其祠列

火滿壇壇旁烹炊具有司云祠上有光焉公卿言皇帝

始郊見太一雲陽有司奉壇玉嘉牲薦饗是夜有美光

及畫黃氣上屬天太史公祠官寬舒等曰神靈之休祐  
福兆祥宜因此地光域立太時壇以明應令太祝領秋  
及臘間祠三歲天子一郊見其秋為伐南越告禱太一  
以牡荆畫幡日月北斗登龍以象太一三星為太一鋒

集解徐廣曰天官書曰天極星明者太一常居也斗口三星曰太一命曰靈旗為兵禱則

太史奉以指所伐國而五利將軍使不敢入海之泰山  
祠上使人隨驗實毋所見五利妄言見其師其方盡多

不讎索隱鄭德云相應為讎謂其言語不相應無驗也上乃誅五利其冬公孫

卿候神河南言見僊人跡緹氏城上有物如雉往來城上天子親幸緹氏城視跡問卿得毋效文成五利乎卿曰僊者非有求人主人主者求之其道非少寬假神不來言神事事如迂誕積以歲乃可致也於是郡國各除道繕治宮觀名山神祠所以望幸也其春既滅南越上有嬖臣李延年以好音見上善之下公卿議曰民間祠尚有鼓舞樂今郊祀而無樂豈稱乎公卿曰古者祠天地皆有樂而神祇可得而禮或曰太帝使素女鼓五十

弦瑟悲帝禁不止故破其瑟為二十五弦於是賽南越

禱祠太一后土始用樂舞益召歌兒作二十五弦

集解徐廣

瑟及空侯

集解徐廣曰應劭云武帝令樂人侯調始造此器

琴瑟自此起其來

年冬上議曰古者先振兵釋旅

集解徐廣曰古釋字作澤

然後封禪

乃遂北巡朔方勒兵十餘萬還祭黃帝冢橋山釋兵須

如

集解徐廣曰須一作涼

上曰吾聞黃帝不死今有冢何也或對

曰黃帝已僊上天羣臣葬其衣冠既至甘泉為且用事

泰山先類祠太一自得寶鼎上與公卿諸生議封禪封



禪用希曠絕莫知其儀禮而羣儒采封禪尚書周官王制之望祀射牛事齊人丁公年九十餘曰封禪者合不死之名也秦皇帝不得上封陛下必欲上稍上即無風雨遂上封矣於是乃令諸儒習射牛草封禪儀數年且行天子既聞公孫卿及方士之言黃帝以上封禪皆致怪物與神通欲放黃帝以上接神僊人蓬萊士高世比德於九皇而頗采儒術以文之羣儒既已不能辨明封禪事又牽拘於詩書古文而不能騁上為封禪祠

罷示羣儒羣儒或曰不與古同徐偃又曰太常諸生行禮不如魯善周霸屬圖封禪事於是上絀偃霸而盡罷諸儒不用三月遂東幸緱氏禮登中岳太室從官在山下聞若有言萬歲云問上上不言問下下不言於是以三百戶封太室奉祠命曰崇高邑東上泰山泰山之草木葉未生乃令人上石立之泰山巔上遂東巡海上行禮祠八神齊人之上䟽言神怪竒方者以萬數然無驗者乃益發船令言海中神山者數千人求蓬萊神人公

孫卿持節常先行候名山至東萊言夜見大人長數丈就之則不見見其跡甚大類禽獸云羣臣有言見一老父牽狗言吾欲見巨公已忽不見上即見大跡未信及羣臣有言老父則大以為僊人也宿留海上予方士傳車及間使求僊人以千數四月還至奉高上念諸儒及方士言封禪人人殊不經難施行天子至梁父禮祠地主乙卯令侍中儒者皮弁薦紳射牛行事封泰山下東方如郊祠太一之禮封廣丈二尺高九尺其下則有五

牒書書祕禮畢天子獨與侍中奉車子侯上泰山亦有封其事皆禁明日下陰道丙辰禪泰山下趾東北肅然山如祭后土禮天子皆親拜見衣上黃而盡用樂焉江淮間一茅三脊為神藉五色土益雜封縱遠方奇獸蜚禽及白雉諸物頗以加禮兕牛犀象之屬不用皆至泰山祭后土封禪祠其夜若有光晝有白雲起封中天子從禪還坐明堂羣臣更上壽於是制詔御史朕以眇眇之身承至尊兢兢焉懼不任維德菲薄不明于禮樂脩

祠太一若有象景光肩如有望震於怪物欲止不敢遂  
登封泰山至于梁父而後禪肅然自新嘉與士大夫更  
始賜民百戶牛一酒十石加年八十孤寡布帛二匹復  
博奉高蛇丘歷城無出今年租稅其大赦天下如乙卯  
赦令行所過毋有復作事在二年前皆勿聽治又下詔  
曰古者天子五載一巡狩用事泰山諸侯有朝宿地其  
令諸侯各治邸泰山下天子既已封泰山無風雨災而  
方士更言蓬萊諸神若將可得於是上欣然庶幾遇之

乃復東至海上望冀遇蓬萊焉奉車子侯暴病一日死

索隱新論云武帝出壘印石財有朕兆子侯則沒印帝畏惡故殺之風俗通亦云然顧隋案武帝集帝與子侯

家語云道士皆言子侯得仙不足悲此說是也上乃遂去並海上北至碣石巡

自遼西歷北邊至九原五月反至甘泉有司言寶鼎出

為元鼎以今年為元封元年其秋有星茀于東井後十

餘日有星茀于三能望氣王朔言候獨見旗星出如瓜

食頃復入焉有司皆曰陛下建漢家封禪天其報德星

云索隱樂彥包攷並作旗星旗星即德星也符瑞圖云旗星之極芒艷如旗本亦作旗也其來年

冬郊雍五帝還拜祝祠太一贊饗曰德星昭衍厥維休  
祥壽星仍出淵耀光明信星昭見皇帝敬拜太祝之享  
其春公孫卿言見神人東萊山若云欲見天子天子於  
是幸緱氏城拜卿為中大夫遂至東萊宿留之數日無  
所見見大人跡云復遣方士求神怪采芝藥以千數是  
歲旱於是天子既出無名乃禱萬里沙過祠泰山還至  
瓠子自臨塞決河留二日沈祠而去使二卿將卒塞決  
河徙二渠復禹之故跡焉是時既滅兩越越人勇之乃

言越人俗鬼而其祠皆見鬼數有效昔東甌王敬鬼壽

百六十歲後世怠慢故衰耗乃令越巫立越祝祠安臺

無壇亦祠天神上帝百鬼而以雞卜上信之越祠雞卜

始用公孫卿曰僊人可見而上往常遽以故不見今陛

下可為觀如緱城集解徐廣曰一置脯棗神人宜可致

也且僊人好樓居於是上令長安則作蜚廉桂觀甘泉

則作益延壽觀索隱小顏以為作益壽延壽二館使卿

持節設具而候神人乃作通天莖臺集解徐廣曰在甘泉索隱漢書並無



莖字疑  
衍也

置祠具其下將招來僊神人之屬於是甘泉更

置前殿始廣諸宮室夏有芝生殿房內中

集解徐廣曰  
元封二年

天子為塞河興通天臺若見有光云乃下詔甘泉房中

生芝九莖赦天下毋有復作其明年伐朝鮮夏旱公孫

卿曰黃帝時封則天旱乾封三年上乃下詔曰天旱意

乾封乎其令天下尊祠靈星焉其明年上郊雍通回中

道巡之春至鳴澤從西河歸其明年冬上巡南郡至江

陵

集解徐廣曰  
元封五年

而東登禮濶之天柱山號曰南岳淳江

自尋陽出樅陽過彭蠡禮其山川北至琅邪並海上  
四月中至奉高脩封焉初天子封泰山泰山東北趾古  
時有明堂處處險不敞上欲治明堂奉高旁未曉其制  
度濟南人公玉帶上黃帝時明堂圖明堂圖中有一殿  
四面無壁以茅蓋通水園宮垣為複道上有樓從西南  
入命曰昆侖天子從之入以拜祠上帝焉於是上令奉  
高作明堂汶上集解徐廣曰在元封二年秋如帶圖及五年脩封則  
祠太一五帝於明堂上坐令高皇帝祠坐對之祠后土

於下房以二十太牢天子從昆侖道入始拜明堂如郊  
禮禮畢燎堂下而上又上泰山自有祕祠其巔而太山  
下祠五帝各如其方黃帝并赤帝而有司侍祠焉山上  
舉火下志應之其後二歲十一月甲子朔旦冬至推歷  
者以本統天子親至泰山以十一月甲子朔旦冬至日  
祠上帝明堂毋脩封禪集解徐廣曰常五年一脩耳  
今適二年故但祠於明堂其  
贊饗曰天增授皇帝太元神策周而復始皇帝敬拜太  
一東至海上考八海及方士求神者莫驗然益遣冀遇

之十一月乙酉柏梁裁十二月甲午朔上親禪高里祠  
后土臨勃海將以望祀蓬萊之屬冀至殊廷焉上還以  
柏梁裁故朝受計甘泉公孫卿曰黃帝就青靈臺十二  
日燒黃帝乃治明廷明廷甘泉也方士多言古帝王有  
都甘泉者其後天子又朝諸侯甘泉甘泉作諸侯邸勇  
之乃曰越俗有火裁復起屋必以大用勝服之於是作  
建章宮度為千門萬戶前殿度高未央其東則鳳闕高  
二十餘丈其西則唐中數十里虎園其北治大池漸臺

高二十餘丈命曰太液池中有蓬萊方丈瀛洲壺梁象海中神山龜魚之屬其南有玉堂壁門大鳥之屬乃立神明臺并幹樓度五十丈輦道相屬焉夏漢改厯以正月為歲首而色上黃官名更印章以五字為太初元年是歲西伐大宛蝗大起丁夫人雒陽虞初等以方祠詛匈奴大宛馬其明年有司上言雍五時無牢孰具芬芳不備乃令祠官進時犢牢具色食所勝而以木禺馬代駒馬獨五月嘗駒行親郊用駒及諸名山川用駒者悉

以木禺馬代行過乃用駒他禮如故其明年東巡海上  
考神僊之屬未有驗者方士有言黃帝時為五城十二  
樓以候神人於執期命曰迎年上許作之如方命曰明  
年上親禮祠上帝焉公玉帶曰黃帝時雖封泰山然風  
后封臣歧伯令黃帝封東泰山禪凡集解徐廣曰一作丸山合符  
然後不死焉天子既令設祠具至東泰山泰山卑小不  
稱其聲乃令祠官禮之而不封禪焉其後令帶奉祠僊  
神物夏遂還太山脩五年之禮如前而加以禪祠石閭

石閭者在泰山下陞南方方士多言此僊人之閭也故

上親禪焉其後五年復至泰山脩封

集解徐廣曰天漢三年

還過

祭恒山今天子所興祠太一后土三年親郊祠建漢家

封禪五年一脩封薄忌太一及三一冥羊馬行赤星五

寬舒之祠官以歲時致禮

索隱郊志云祠官寬舒議祠后土為五壇故謂之五寬

舒祠官也

凡六祠皆太祝領之至如八神諸明年凡山他名

祠行過則祠行去則已方士所興祠各自主其人終則

已祠官不主他祠皆如其故今上封禪其後十二歲而

還徧於五岳四瀆矣而方士之候伺神人入海求蓬萊  
終無有驗而公孫卿之候神者猶以大人之跡為解無  
有效天子益怠厭方士之怪迂語矣然羈縻不絕冀遇  
其真自此之後方士言神祠者彌衆然其效可睹矣

太史公曰余從巡祭天地諸神名山川而封禪焉入壽  
宮侍祠神語究觀方士祠官之意於是退而論次自古  
以來用事於鬼神者具見其表裏後有君子得以覽焉  
若至俎豆珪幣之詳獻酬之禮則有司存



索隱述贊曰禮載升中書稱肆類古今盛典皇王能  
事登封報天降禪除地飛英騰寶金泥石記漢承遺  
緒斯道不墜仙問  
肅然揚休勒誌

卷二十八

史記卷二十八

史記卷二十八考證

封禪書至矣而德不洽。監本訛作至梁父矣衍梁父

二字今改正

視其掌詩云紂在位文王受命。臣照按詩云二字不

審所謂注家皆略蓋唐時無此文也蓋視其掌云為

句衍一詩字耳

必於高山之下小山之上命曰時。集解索隱文俱有

脫誤不可解

宋毋忌索隱樂彥引老子道經云月中仙人宋毋忌。  
今五千言中無此語

汧洛正義洛水商州洛南縣西冢嶺山。推尋文義洛  
水下脫出字

杜主故周之右將軍正義括地志云杜祠雍州長安縣  
西南二十五里。推尋文義杜祠下脫在字

色外黑內赤集解服虔曰十月陰氣在外黑陽氣尚伏  
在地故內赤。按漢書郊祀志注引服虔云十月陰

氣在外故外黑此脫故外二字

曰天神貴者太一索隱樂汁徵圖○當作樂汁圖徵

暴自相觸擊索隱暴頭置局上○推尋文義暴頭上脫  
塗字

史記卷二十八考證